


সানাই

# সানাই

রবীন্দ্রনাথ ঠাকুর



3835.

11.7.42.

বিশ্বভারতী গ্রন্থালয়

২১০, কনওআলিস স্ট্রীট, কলিকাতা

প্রকাশক—শ্রীকিশোরীমোহন সঁতরা  
বিশ্বভারতী, ৬৩, দ্বারকানাথ ঠাকুর লেন, কলিকাতা

প্রথম সংস্করণ

...

...

আষাঢ়, ১৩৪৭

মূল্য—১।।০

মুদ্রাকর—প্রভাতকুমার মুখোপাধ্যায়  
শান্তিনিকেতন প্রেস, শান্তিনিকেতন

## সূচীপত্র

|                 |                                         |    |
|-----------------|-----------------------------------------|----|
| দূরের গান       | স্বদূরের পানে চাওয়া উৎকণ্ঠিত আমি       | ১  |
| কর্ণধার         | ওগো আমার প্রাণের কর্ণধার                | ৩  |
| আসা যাওয়া      | ভালোবাসা এসেছিল                         | ৬  |
| বিপ্লব          | ডমরুতে নটরাজ বাজালেন তাওবে যে তাল       | ৭  |
| জ্যোতির্বাষ্প . | হে বন্ধু সবার চেয়ে চিনি তোমাকেই        | ১০ |
| জানালায়        | বেলা হয়ে গেল তোমার জানালা 'পরে         | ১১ |
| ক্ষণিক          | এ চিকন তব লাবণ্য যবে দেখি               | ১৩ |
| অনারুণি         | প্রাণের সাধন কবে নিবেদন                 | ১৫ |
| নতুন রঙ         | এ ধূসর জীবনের গোঁধুলি                   | ১৬ |
| গানের খেয়া     | যে গান আমি গাই                          | ১৭ |
| অধরা            | অধরা মাধুরী ধরা পড়িয়াছে               | ১৮ |
| ব্যথিতা         | জাগায়ে না, ওরে জাগায়ে না              | ১৯ |
| বিদায়          | বসন্ত সে যায় তো হেসে যাবার কালে        | ২০ |
| যাবার আগে       | উদাস হাওয়ার পথে পথে                    | ২১ |
| সানাই .         | সারারাত ধ'রে                            | ২২ |
| পূর্ণা .        | তুমি গো পঞ্চদশী                         | ২৬ |
| কুপণা           | এসেছিলু দ্বারে ঘন বর্ষণ রাতে            | ২৭ |
| ছায়াছবি        | আমার প্রিয়র সচল ছায়াছবি               | ২৮ |
| স্মৃতির ভূমিকা  | আজি এই মেঘমুক্ত সকালের স্নিগ্ধ নিরালায় | ২৮ |

|               |                                                 |    |
|---------------|-------------------------------------------------|----|
| মানসী         | মনে নেই, বুঝি হবে অগ্রহান মাস                   | ৩০ |
| দেওয়া নেওয়া | বাদল দিনের প্রথম কদম ফুল                        | ৩৩ |
| সার্থকতা      | ফাস্কনের সূর্য যবে                              | ৩৪ |
| মায়া         | আছ এ মনের কোন্ সীমানায়                         | ৩৫ |
| অদেয়         | তোমায় যখন সাজিয়ে দিলেম দেহ                    | ৩৭ |
| রূপকথায়      | কোথাও আমার হারিয়ে যাবার নেই মান।               | ৩৯ |
| আহ্বান        | জ্বলে দিয়ে যাও সন্ধ্যাপ্রদীপ                   | ৪০ |
| অধীরা         | চির অধীরার বিরহ আবেগ                            | ৪১ |
| বাসা বদল      | যেতেই হবে                                       | ৪৩ |
| শেষ কথা       | রাগ করো নাই করো                                 | ৪৭ |
| মুক্তপথে      | বাঁকাও ভুরু ঘারে আগল দিয়া                      | ৪৯ |
| দ্বিধা        | এসেছিলে তবু আসো নাই                             | ৫২ |
| আধোজাগা       | রাত্রে কখন মনে হোলো যেন                         | ৫৩ |
| যক্ষ          | যক্ষের বিরহ চলে অবিশ্রাম অলকার পথে              | ৫৪ |
| পরিচয়        | বয়স ছিল কাঁচা                                  | ৫৬ |
| নারী          | স্বাতন্ত্র্যসম্পর্ধায় মত্ত পুরুষেরে করিবারে বশ | ৬৩ |
| গানের স্মৃতি  | কেন মনে হয়                                     | ৬৫ |
| অবশেষে        | যৌবনের অনাহুত রবাহুত ভিড়-করা ভোজে              | ৬৬ |
| সম্পূর্ণ      | প্রথম তোমাকে দেখেছি তোমার                       | ৬৭ |
| উদ্ধৃত        | তব দক্ষিণ হাতের পরশ                             | ৬৯ |
| ভাঙন          | কোন ভাঙনের পথে এলে                              | ৭০ |
| অত্যাক্তি     | মন যে দরিদ্র তার                                | ৭১ |

|              |                                          |     |
|--------------|------------------------------------------|-----|
| হঠাৎ মিলন    | মনে পড়ে কবে ছিলাম একা বিজন চরে          | ৭৩  |
| গানের জাল    | দৈবে তুমি                                | ৭৪  |
| মরীয়া       | মেঘ কেটে গেল                             | ৭৫  |
| দুববর্তিনী   | সেদিন তুমি দূরের ছিলে মম                 | ৭৬  |
| গান          | যে ছিল আমার স্বপনচাবি                    | ৭৭  |
| বাণীহাবা     | ওগো মোব নাহি যে বাণী                     | ৭৮  |
| অনসূয়া      | কাঁঠালের ভূতি পচা                        | ৭৯  |
| শেষ অভিসাব   | আকাশে ঈশানকোণে মসীপুঞ্জ মেঘ              | ৮৩  |
| নামকরণ       | বাদলবেলায় গৃহকোণে                       | ৮৬  |
| বিমুখতা      | মন যে তাহার হঠাৎপ্লাবনী                  | ৮৭  |
| আত্মছলনা     | দোষী কবিব না তোমারে                      | ৯০  |
| অসময়        | বৈকাল বেলা ফসল-ফুবানো                    | ৯১  |
| অপঘাত        | সূর্যাস্তের পথ হতে বিকালের বৌদ্ধ এল নেমে | ৯২  |
| মানসী        | আজি আঘাটের মেঘলা আকাশে                   | ৯৪  |
| অসম্ভব ছবি   | আলোকের আভা তার অলকেব চূলে                | ৯৭  |
| অসম্ভব       | পূর্ণ হয়েছে বিচ্ছেদ, যবে ভাবিছু মনে     | ১০০ |
| গানের মন্ত্র | মাঝে মাঝে আসি যে তোমাবে                  | ১০২ |
| স্বপ্ন       | জানি আমি ছোটো আমার ঠাই                   | ১০৩ |
| অবসান        | জানি দিন অবসান হবে                       | ১০৫ |

# সানাই

## দূরের গান

সুদূরের পানে চাওয়া উৎকণ্ঠিত আমি  
মন সেই আঘাতায় তীর্থপথগামী  
যেথায় হঠাৎনামা প্লাবনের জলে  
তটপ্লাবী কোলাহলে  
ওপারের আনে আহ্বান,  
নিরুদ্দেশ পথিকের গান।  
ফেনোচ্ছল সে-নদীর বন্ধহারা জলে  
পণ্যতরী নাহি চলে,  
কেবল অলস মেঘ ব্যর্থ ছায়া-ভাসানের খেলা  
খেলাইছে এবেলা ওবেলা ॥

দিগন্তেব নীলিমার স্পর্শ দিয়ে দেরা  
গোধূলিলগ্নের যাত্রী মোর স্বপনেরা।

## মানাই

নীল আলো প্রেয়সীর আঁখিপ্ৰান্ত হতে  
নিয়ে যায় চিত্ত মোর অকূলের অব্যাহত স্রোতে ;  
চেয়ে চেয়ে দেখি সেই নিকটতমারে  
অজানার অতি দূর পাবে ॥

মোর জন্মকালে

নিশীথে সে কে মোরে ভাসালে  
দীপ-জ্বালা ভেলাখানি নামহারা অদৃশের পানে ;  
আজিও চলেছি তার টানে ।  
বাসাহারা মোব মন  
তারার আলোতে কোন্ অধরাকে করে অন্বেষণ  
পথে পথে  
দূবের জগতে ।

ওগো দূরবাসী

কে স্তনিতে চাও মোর চিবপ্রবাসের এই বাঁশি,—  
অকারণ বেদনার ভৈরবীর সুরে  
চেনার সীমানা হতে দূরে  
যার গান কক্ষচ্যুত তারা  
চিররাত্রি আকাশেতে খুঁজিছে কিনারা ।  
এ-বাঁশি দিবে সে মন্ত্র যে মন্ত্রের গুণে  
আজি এ ফাল্গুনে

## সানাই

কুসুমিত অরণ্যের গভীর রহস্যখানি  
তোমার সর্বান্ধে মনে দিবে আনি  
সৃষ্টির প্রথম গৃঢ়বাণী ।  
যেই বাণী অনাদির সূচিবাজিত  
তারায় তারায় শূন্যে হোলো রোমাঞ্চিত,  
রূপেরে আনিল ডাকি  
অরূপের অসীমেতে জ্যোতিঃসীমা আঁকি ॥

উদয়ন

২২শে ফাল্গুন, ১৩৪৬

---

## কর্ণধার

ওগো আমার প্রাণের কর্ণধার  
দিকে দিকে ঢেউ জাগাল  
লীলার পারাবার ।  
আলোক-ছায়া চমকিছে  
ক্ষণেক আগে ক্ষণেক পিছে,

## মানাই

অমার আঁধার ঘাটে ভাসায়  
নৌকা পূর্ণিমার ।  
ওগো কর্ণধার  
ডাইনে বাঁয়ে দ্বন্দ্ব লাগে  
সত্যের মিথ্যার ।

ওগো আমার লীলার কর্ণধার  
জীবনতরী মৃত্যুভাঁটায়  
কোথায় করো পার ।  
নীল আকাশের মৌনখানি  
আনে দূরের দৈববাণী,  
গান করে দিন উদ্দেশহীন  
অকূল শূণ্যতার ।  
তুমি ওগো লীলার কর্ণধার  
রক্তে বাজাও রহস্যময়  
মস্তুর ঝংকার ॥

তাকায় যখন নিমেষহারা  
দিনশেষের প্রথম তারা  
ছায়াঘন কুঞ্জবনে  
মন্দ মৃদু গুঞ্জরণে

## মানাই

বাতাসেতে জাল বুনে দেয়  
মদির তন্দ্রার ।  
স্বপ্নশ্রোতে লীলার কর্ণধার  
গোধূলিতে পাল তুলে দাও  
ধূসরচ্ছন্দার ।

অস্তরবির ছায়ার সাথে  
লুকিয়ে আঁধার আসন পাতে ।  
ঝিল্লিরবে গগন কাঁপে,  
দিগঙ্গনা কী জপ জাপে,  
হাওয়ায় লাগে মোহপরশ  
রজনীগন্ধার ।  
হৃদয় মাঝে লীলার কর্ণধার  
একতারাতে বেহাগ বাজাও  
বিধুর সঙ্কার ॥

রাতের শঙ্খকুহর ব্যোপে  
গন্তীর রব উঠে কেঁপে ।  
সঙ্গবিহীন চিরস্তুনের  
বিরহ গান বিরাট মনের  
শূন্যে করে নিঃশবদের  
বিষাদ বিস্তার ।

মানাই

তুমি আমার লীলার কর্ণধার  
তারার ফেনা ফেনিয়ে তোলো  
আকাশগঙ্গার ॥

বক্ষে যবে বাজে মরণ ভেরী  
ঘুচিয়ে স্বরা ঘুচিয়ে সকল দেবি,  
প্রাণের সীমা মৃত্যুসীমায়  
সূক্ষ্ম হয়ে মিলায়ে যায়,  
উর্ধ্বে তখন পাল তুলে দাও  
অস্তিম যাত্রাব ।  
ব্যক্ত করো, হে মোর কর্ণধাব  
অঁধারহীন অচিন্ত্য সে  
অসীম অঙ্ককার ॥

২৮ জানুয়ারি, ১৯৪০

---

আসা যাওয়া

ভালোবাসা এসেছিল  
এমন সে নিঃশব্দ চরণে  
তারে স্বপ্ন হয়েছিল মনে,

## সানাই

দিইনি আসন বসিবার ।  
বিদায় সে নিল যবে খুলিতেই দ্বার  
শব্দ তার পেয়ে  
ফিরায়ে ডাকিতে গেলু ধৈয়ে ।  
তখন সে স্বপ্ন কায়াহীন,  
নিশীথে বিলীন,  
দূরপথে তার দীপশিখা  
একটি রক্তিম মরীচিকা ॥

২৮ মার্চ, ১৯৪০

---

## বিপ্লব

ডমকতে নটরাজ বাজালেন তাণ্ডবে যে তাল  
ছিন্ন করে দিল তার ছন্দ তব ঝংকৃত কিঙ্কিনী  
হে নর্তিনী,  
বেণীর বন্ধনমুক্ত উৎক্ষিপ্ত তোমার কেশজাল  
ঝঞ্ঝার বাতাসে  
উচ্ছৃঙ্খল উদ্দাম উচ্ছ্বাসে ;  
বিদীর্ণ বিদ্যুৎঘাতে তোমার বিহ্বল বিভাবরী  
হে স্তম্ভরী ।

## সানাই

সীমন্তের সীঁথি তব প্রবালে খচিত কণ্ঠহার  
অঙ্ককারে মগ্ন হোলো চৌদিকে বিক্ষিপ্ত অলংকার ।  
আভরণশূন্য রূপ  
বোবা হয়ে আছে করি চুপ,  
ভীষণ রিক্ততা তার  
উৎসুক চক্ষুর পবে হানিছে আঘাত অবজ্ঞার ।  
নিষ্ঠুর নৃত্যের ছন্দে, মুগ্ধ হস্তে গাঁথা পুষ্প মালা  
বিশ্রস্ত দলিত দলে বিকীর্ণ করিছে রঙ্গশালা ।  
মোহমদে ফেনায়িত কানায় কানায়  
যে পাত্রখানায়  
মুক্ত হোত রসের প্রাবন,  
মত্ততার শেষ পালা আজি সে করিল উদ্‌যাপন ।  
যে অভিসারের পথে চেলাঞ্চলখানি  
নিতে টানি  
কম্পিত প্রদীপশিখা পরে  
তার চিহ্ন পদপাতে লুপ্ত করি দিলে চিরতরে ;  
প্রান্তে তার ব্যর্থ বাঁশিরবে  
প্রতীক্ষিত প্রত্যাশার বেদনা যে উপেক্ষিত হবে ।

এ নহে তো ঔদাসীন্ত, নহে ক্লান্তি, নহে বিস্মরণ,  
ক্রুদ্ধ এ বিতৃষ্ণা তব মাধুর্যের প্রচণ্ড মরণ,

## মানাই

তোমার কটাক্ষ  
দেয় তারি হিংস্র সাক্ষ্য  
ঝলকে ঝলকে  
পলকে পলকে,  
বঙ্কিম নির্মম  
মর্মভেদী তরবারি সম ।  
তবে তাই হোক,  
ফুৎকারে নিবায়ে দাও অতীতের অস্তিম আলোক ।  
চাহিব না ক্ষমা তব, করিব না দুর্বল বিনতি,  
পরুষ মরুর পথে হোক মোব অন্তহীন গতি,  
অবজ্ঞা কবিয়া পিপাসারে,  
দলিয়া চবণতলে ঝুর বালুকারে ।

মাঝে মাঝে কটুস্বাদ হুখে  
তীব্র রস দিতে ঢালি রজনীর অনিদ্ৰ কৌতুকে  
যবে তুমি ছিলে রহঃসখী ।  
প্রেমেরি সে দানখানি, সে যেন কেতকী  
রক্তরেখা এঁকে গায়ে  
রক্তশ্রোতে মধুগন্ধ দিয়েছে মিশায়ে ।  
আজ তব নিঃশব্দ নীরস হস্তবাণ  
আমার ব্যথার কেন্দ্র করিছে সন্ধান ।

মানাই

সেই লক্ষ্য তব  
কিছুতেই মেনে নাহি লব,  
বক্ষ মোর এড়ায়ে সে যাবে শূন্যতলে,  
যেখানে উদ্ধাব আলো জ্বলে  
ক্ষণিক বর্ষণে  
অশুভ দর্শনে ।

বেজে ওঠে ডঙ্কা, শঙ্কা শিহবায় নিশীথ গগনে,  
হে নির্দয়া কী সংকেত বিচ্ছুবিল স্থলিত কঙ্কণে ॥

২১ জানুয়ারি, ১৯৪০

---

## জ্যোতির্বাঙ্গ

হে বন্ধু সবার চেয়ে চিনি তোমাকেই  
এ কথায় পূর্ণ সত্য নেই ।  
চিনি আমি সংসারের শত সহস্রবে,  
কাজেব বা অকাজেব যবে  
নির্দিষ্ট সীমায় যারা স্পষ্ট হয়ে জাগে  
প্রত্যহেব ব্যবহাবে লাগে,

সানাই

প্রাপ্য যাহা হাতে দেয় তাই,  
দান যাহা তাহা নাহি পাই।

অনন্তের সমুদ্র মন্থনে

গভীর রহস্য হতে তুমি এলে আমার জীবনে।

উঠিয়াছ অতলের অস্পষ্টতাখানি

আপনার চারিদিকে টানি।

নৌহারিকা রহে যথা কেন্দ্রে তার নক্ষত্রেরে ঘেরি,

জ্যোতির্ময় বাষ্পমাঝে দূর বিন্দু তারাটিরে হেরি।

তোমা মাঝে শিল্পী তার রেখে গেছে তর্জনীর মানা,

সব নহে জানা।

সৌন্দর্যের যে পাহারা জাগিয়া রয়েছে অন্তঃপুরে

সে আমাদের নিত্য রাখে দূরে ॥

২৮ মার্চ, ১৯৪০

---

## জানালায়

বেলা হয়ে গেল তোমার জানালা 'পরে

রৌদ্র পড়েছে বঁকে।

এলোমেলো হাওয়া আমলকি ডালে ডালে

দোলা দেয় থেকে থেকে।

মস্থর পায়ে  
চলেছে মহিষগুলি,  
রাঙা পথ হতে  
রহি রহি ওড়ে ধূলি,  
নানা পাখিদের মিশ্রিত কাকলীতে,  
আকাশ আবিল গ্লান সোনালির শীতে ।  
পসারী হোথায় হাঁক দিয়ে যায়  
গলি বেয়ে কোন্ দূরে,  
ভুলে গেছি যাহা তারি ধ্বনি বাজে  
বক্ষে করুণ সুরে ।  
চোখে পড়ে খনে খনে  
তব জানালায় কম্পিত ছায়া  
খেলিছে রৌদ্র সনে ।

কেন মনে হয় যেন দূর ইতিহাসে  
কোনো বিদেশের কবি  
বিদেশী ভাষার ছন্দে দিয়েছে এঁকে  
এ বাতায়নের ছবি ।  
ঘরের ভিতরে যে প্রাণের ধারা চলে  
সে যেন অতীত কাহিনীর কথা বলে ।  
ছায়া দিয়ে ঢাকা সুখদুঃখের মাঝে  
গুঞ্জন সুরে সুর শৃঙ্গার বাজে ।

## সানাই

যারা আসে যায় তাদের ছায়ায়  
প্রবাসের ব্যথা কাঁপে,  
আমার চক্ষু তন্দ্রাঅলস  
মধ্যদিনের তাপে ।  
ঘাসের উপরে একা বসে থাকি  
দেখি চেয়ে দূর থেকে  
শীতের বেলার রৌদ্র তোমার  
জানালায় পড়ে বেঁকে ॥

১৫ জানুয়ারি, ১৯৪০

---

## ক্ষণিক

এ চিকন তব লাবণ্য যবে দেখি  
মনে মনে ভাবি, এ কি  
ক্ষণিকের পরে অসীমের বরদান,  
আড়ালে আবার ফিরে নেয় তারে  
দিন হোলে অবসান ।

## সানাই

একদা শিশির রাতে

শতদল তার দল ঝরাইবে

হেমন্তে হিমপাতে,

সেই যাত্রায় তোমারো মাধুরী

প্রলয়ে লভিবে গতি ।

এতই সহজে মহাশিল্পীর

আপনার এত ক্ষতি

কেমন করিয়া সয়,

প্রকাশে বিনাশে বাঁধিয়া সূত্র

ক্ষয়ে নাহি মানে ক্ষয় ।

যে দান তাহার সবার অধিক দান

মাটির পাত্রে সে পায় আপন স্থান ।

ক্ষণভঙ্গুর দিনে

নিমেষ-কিনারে বিশ্ব তাহারে

বিস্ময়ে লয় চিনে ।

অসীম যাহার মূল্য সে ছবি

সামান্য পটে আঁকি

মুছে ফেলে দেয় লোলুপেরে দিয়ে ফাঁকি ।

দীর্ঘকালের ক্লান্ত আঁখির উপেক্ষা হতে তারে

সরায় অন্ধকারে ।

দেখিতে দেখিতে দেখে না যখন প্রাণ

বিস্মৃতি আসি অবগুষ্ঠনে

রাখে তার সম্মান ।

সানাই

হরণ করিয়া লয় তারে সচকিতে  
লুক্ক হাতের অঙ্গুলি তারে  
পারে না চিহ্ন দিতে ॥

১৫ জানুয়ারি, ১৯৪০

---

## অনার্যক্তি

প্রাণের সাধন কবে নিবেদন  
করেছি চরণতলে  
অভিষেক তার হোলো না তোমার  
করণ নয়নজলে ।  
রসের বাদল নামিল না কেন  
তাপের দিনে ।  
ঝরে গেল ফুল, মালা পরাইনি  
তোমার গলে ।  
মনে হয়েছিল দেখেছি করুণা  
স্মৃতির পাতে  
উড়ে গেল কোথা শুকানো যুথীর সাথে ।

## সানাই

যদি এ মাটিতে চলিতে চলিতে  
পড়িত তোমার দান  
এ মাটি লভিত প্রাণ,  
একদা গোপনে ফিরে পেতে তারে  
অমৃত ফলে ॥

১৩ জানুয়ারি, ১৯৪০

---

## নতুন রঙ

এ ধূসর জীবনের গোধূলি,  
ক্ষীণ তার উদাসীন স্মৃতি  
মুছে-আসা সেই স্নান ছবিতে  
রং দেয় গুঞ্জন গীতি ॥

ফাগুনের চম্পক পরাগে  
সেই রং জাগে,  
ঘুমভাঙা কোকিলের কুঞ্জে  
সেই রং লাগে,  
সেই রং পিয়ালের ছায়াতে  
ঢেলে দেয় পূর্ণিমা তিথি ॥

## সানাই

এই ছবি ভৈরবী আলাপে  
দোলে মোর কম্পিত বক্ষে,  
সেই ছবি সেতারের প্রলাপে  
মরোচিকা এনে দেয় চক্ষে,  
বুকের লালিম-রঙে রাঙানো  
সেই ছবি স্বপ্নের অতিথি ॥

১৩ জাহ্নঘারি, ১৯৪০

---

## গানের খেয়া

যে গান আমি গাই  
জানি নে সে  
কার উদ্দেশে ।  
যবে জাগে মনে  
অকারণে  
চপল হাওয়া  
সুর যায় ভেসে  
কার উদ্দেশে ।

## সানাই

ঐ মুখে চেয়ে দেখি  
জানিনে তুমিই সে কি  
অতীত কালের মুরতি এসেছ  
নতুন কালের বেশে ।  
কভু জাগে মনে  
যে আসেনি এ জীবনে  
ঘাট খুঁজি খুজি  
গানের খেয়া সে মাগিতেছে বুঝি  
আমার তীরেতে এসে ॥

---

## অধরা

অধরা মাধুরী ধরা পড়িয়াছে  
এ মোর ছন্দ বন্ধনে ।  
বলাকা পাঁতির পিছিয়ে পড়া ও পাখি,  
বাসা স্নদূরের বনের প্রাঙ্গণে ।  
গত ফসলের পলাশের রাঙিমায়ে  
ধরে রাখে ওর পাখা,  
ঝরা শিরীষের পেলব আভাস  
ওর কাকলীতে মাখা ।

সানাই

শুনে যাও বিদেশিনী  
তোমার ভাষায় ওরে  
ডাকো দেখি নাম ধরে ।

ও জানে তোমারি দেশের আকাশ  
তোমারি রাতের তারা,  
তব যৌবন-উৎসবে ও যে  
গানে গানে দেয় সাড়া,  
ওর ছুটি পাখা চঞ্চলি উঠে তব হৃৎকম্পনে ।  
ওর বাসাখানি তব কুঞ্জব  
নিভৃত প্রাঙ্গণে ॥

১৩ জাহ্নয়াবি, ১৯৪০

---

## ব্যথিতা

জাগায়ো না, ওরে জাগায়ো না  
ও আজি মেনেছে হার  
ফুর বিধাতার কাছে ।  
সব চাওয়া ও যে দিতে চায় নিঃশেষে  
অতলে জলাঞ্জলি ।

সানাই

হুঃসহ ছুরাশার  
গুরুভার যাক দূরে  
কৃপণ প্রাণের ইতর বঞ্চনা ।  
আশুক নিবিড় নিদ্রা,  
তামসী মসির তুলিকায়  
অতীত দিনের বিদ্রপবাণী  
বেথায় রেখায় মুছে মুছে দিক্  
স্মৃতির পত্র হতে,  
থেমে যাক ওর বেদনার গুঞ্জন  
সুপ্ত পাখির স্তব্ধ নীড়ের মতো ॥

১৩ জাহ্নঘাতি, ১৯৪০

---

## বিদায়

বসন্ত সে যায় তো হেসে যাবার কালে  
শেষ কুসুমের পরশ রাখে বনের ভালে ।  
তেমনি তুমি যাবে জানি  
ঝলক দেবে হাসিখানি,  
অলক হতে খসবে অশোক নাচের তালে ।

## মানাই

ভাসান খেলার তরীখানি চলবে বেয়ে,  
একলা ঘাটে রইব চেয়ে ।  
অস্ত রবি তোমার পালে  
রঙিন রশ্মি যখন ঢালে  
কালিমা রয় আমার রাতের  
অস্তুরালে ॥

## যাবার আগে

উদাস হাওয়ার পথে পথে  
মুকুলগুলি ঝরে  
কুড়িয়ে নিয়ে এনেছি তাই  
লহ করুণ করে ।  
যখন যাব চলে  
ফুটবে তোমার কোলে  
মালা গাঁথার আঁড়ুল যেন  
আমায় স্মরণ করে ।

ও হাতখানি হাতে নিয়ে,  
বসব তোমার পাশে  
ফুল-বিছানো ঘাসে,

## সানাই

কানাকানির সাক্ষী রইবে তারা ।  
বউ-কথা-কণ্ড ডাকবে তন্দ্রাহারা ।

স্মৃতির ডালায় রইবে আভাসগুলি  
কালকে দিনের তরে  
শিরীষ পাতায় কাঁপবে আলো  
নীরব দ্বিপ্রহরে ॥

---

## সানাই

সারারাত ধ'রে  
গোছা গোছা কলা পাতা আসে গাড়ি ভ'রে ।  
আসে সরা খুরি  
ভূরি ভূরি ।  
এ পাড়া ও পাড়া হতে যত  
রবাহূত অনাহূত আসে শত শত ;  
প্রবেশ পাবার তরে  
ভোজনের ঘরে  
উর্ধ্বাঙ্গে ঠেলাঠেলি করে ;  
বসে পড়ে যে পারে যেখানে,  
নিষেধ না মানে ।

## সানাই

কে কাহারে হাঁক ছাড়ে হৈ হৈ,  
এ কই ও কই ।

রঙিন উষ্ণীষধর

লাল-রঙা সাজে যত অমুচর  
অনর্থক ব্যস্ততায় ফেরে সবে  
আপনার দায়িত্বগৌরবে ।  
গোকর গাড়ির সারি হাটের রাস্তায়,  
রাশি রাশি ধুলো উড়ে যায়,  
রাঙা রাগে

রোজ্রে গেরুয়া রং লাগে  
ওদিকে ধানের কল দিগন্তে কালিমাধুস্ত্র হাত  
উষ্ণে তুলি, কলঙ্কিত করিছে প্রভাত ।  
ধান পচানির গন্ধে  
বাতাসের রঞ্জে রঞ্জে  
মিশাইছে বিষ ।

থেকে থেকে রেলগাড়ি মাঠের ওপারে দেয় শিষ ।  
ছুই প্রহরের ঘণ্টা বাজে ।

সমস্ত এ ছন্দভাঙা অসংগতি মাঝে  
সানাই লাগায় তার সারঙের তান ।  
কী নিবিড় ঐক্যমন্ত্র করিছে সে দান  
কোন্ উদ্ভ্রান্তের কাছে,  
বুঝিবার সময় কি আছে ।

## সানাই

অরুণের মম' হতে সমুচ্ছাসি  
উৎসবের মধুচ্ছন্দ বিস্তারিছে বাঁশি ।  
সন্ধ্যাতারা-জ্বালা অন্ধকারে  
অনন্তের বিরাট পরশ যথা অন্তর মাঝারে,  
তেমনি সুদূর স্বচ্ছ সুর  
গভীর মধুর  
অমর্ত্য লোকের কোন্ বাক্যের অতীত সত্যবাণী  
অশ্রুমনা ধরণীর কানে দেয় আনি ।  
নামিতে নামিতে এই আনন্দের ধারা  
বেদনার মুহূর্ত্তায় হয় আত্মহারা ।  
বসন্তের যে দীর্ঘনিশ্বাস  
বিকচ বকুলে আনে বিদায়ের বিমর্ষ আভাস,  
সংশয়ের আবেগ কাঁপায়  
সন্তঃপাত্তী শিথিল চাঁপায়  
তারি স্পর্শ লেগে  
সাহানার রাগিণীতে বৈরাগিণী ওঠে যেন জেগে,  
চলে যায় পথহারা অর্থহারা দিগন্তের পানে ।  
কতবার মনে ভাবি কই যে সে কে জানে ।  
মনে হয় বিশ্বের যে মূল উৎস হতে  
সৃষ্টির নির্বর ঝরে শূন্যে শূন্যে কোটি কোটি স্রোতে  
এ রাগিণী সেথা হতে আপন ছন্দের পিছু পিছু  
নিয়ে আসে বসন্তের অতীত কিছু

## সানাই

হেন ইন্দ্রজাল  
যার সুর যার তাল  
রূপে রূপে পূর্ণ হয়ে উঠে  
কালের অঞ্জলিপুটে ।  
প্রথম যুগের সেই ধ্বনি  
শিরায় শিরায় উঠে রণরনি',  
মনে ভাবি এই সুর প্রত্যাহের অবরোধ পরে  
যতবার গভীর আঘাত করে  
ততবার ধীরে ধীরে কিছু কিছু খুলে দিয়ে যায়  
ভাবী যুগ-আরম্ভের অজানা পর্যায় ।  
নিকটের দুঃখদ্বন্দ্ব নিকটের অপূর্ণতা তাই  
সব ভুলে যাই,  
মন যেন ফিরে  
সেই অনক্ষের তীরে তীরে  
যেথাকার রাত্রিদিন দিনহারা রাতে  
পদ্মের কোরক সম প্রচ্ছন্ন রয়েছে আপনাতে ॥

উত্তরায়ণ  
৪ জানুয়ারি, ১৯৪০

## পূর্ণা

তুমি গো পঞ্চদশী  
গুরু নিশার অভিসার পথে  
চরম তিথির শশী ।  
স্মিত স্বপ্নের আভাস লেগেছে  
বিহ্বল তব রাতে ।  
কচিং চকিত বিহগ কাকলী  
তব যৌবনে উঠিছে আকুলি  
নব আষাঢ়ের কেতকী গন্ধ  
শিথিলিত নিদ্রাতে ।

যেন অশ্রুত বনমমর  
তোমার বক্ষে কাঁপে থরথর ।  
অগোচর চেতনার  
অকারণ বেদনার  
ছায়া এসে পড়ে মনের দিগন্তে,  
গোপন অশাস্তি  
উছলিয়া তুলে ছলছল জল  
কজ্জল অঁখি পাতে ॥

---

সানাই

## কুপণা

এসেছিলু দ্বারে ঘন বর্ষণ রাতে  
প্রদীপ নিবালে কেন অঞ্চল ঘাতে ।  
কালো ছায়াখানি মনে পড়ে গেল অঁকা,  
বিমুখ মুখের ছবি অস্তুরে ঢাকা,  
কলঙ্ক রেখা যেন  
চিরদিন চাঁদ বহি চলে সাথে সাথে ।

কেন বাধা হোলো দিতে মাধুরীর কণা  
হায় হায়, হে কুপণা ?  
তব যৌবন মাঝে  
লাবণ্য বিরাজে,  
লিপিখানি তার নিয়ে এসে তবু  
কেন যে দিলে না হাতে ॥

---

## ছায়াছবি

আমার প্রিয়ার সচল ছায়াছবি

সজল নীলাকাশে ।

আমার প্রিয়া মেঘের কাঁকে কাঁকে

সন্ধ্যাতারায় লুকিয়ে দেখে কাকে,

সন্ধ্যাদীপের লুপ্ত আলো স্মরণে তার ভাসে ।

বারিঝরা বনের গন্ধ নিয়া

পরশহারা বরণমালা গাঁথে আমার প্রিয়া ।

আমার প্রিয়া ঘন আবণ ধারায়

আকাশ ছেয়ে মনের কথা হারায়,

আমার প্রিয়ার আঁচল দোলে

নিবিড় বনের শ্যামল উচ্ছ্বাসে ॥

---

## স্মৃতির ভূমিকা

আজি এই মেঘমুক্ত সকালের স্নিগ্ধ নিরালায়

অচেনা গাছের যত ছিন্ন ছিন্ন ছায়ার ডালায়

রৌদ্রপূজ আছে ভরি ।

সারাবেলা ধরি

## সানাই

কোন্ পাখি আপনারি সুরে কুতূহলী  
আলস্বেয় পেয়ালায় ঢেলে দেয় অক্ষুট কাকলি ।  
হঠাৎ কী হোলো মতি  
সোনালি রঙের প্রজাপতি  
আমার রূপালি চুলে  
বসিয়া রয়েছে পথ ভুলে ।  
সাবধানে থাকি, লাগে ভয়  
পাছে ওর জাগাই সংশয়,  
ধবা প'ড়ে যায় পাছে, আমি নই গাছের দলের,  
আমার বাণী সে নহে ফুলের ফলেব ।  
চেয়ে দেখি, ঘন হয়ে কোথা নেমে গেছে ঝোপঝাড়;  
সম্মুখে পাহাড়  
আপনার অচলতা ভুলে থাকে বেলা অবেলায়,  
হামাগুড়ি দিয়ে চলে দলে দলে মেঘের খেলায় ।  
হোথা শুষ্ক জলধারা  
শব্দহীন রচিছে ইশারা,  
পরিশ্রান্ত নিদ্রিত বর্ষার । হুড়িগুলি  
বনের ছায়ার মধ্যে অস্থিসার প্রেতের অঙ্গুলি  
নির্দেশ করিছে তাবে যাহা নিরর্থক,  
নির্ঝরিনী সর্পিণীর দেহচ্যুত স্বক ।  
এখনি এ আমার দেখাতে  
মিলায়েছে শৈলশ্রেণী তরঙ্গিত নীলিম রেখাতে

সানাই

আপন অদৃশ্য লিপি । বাড়ির সিঁড়ির পরে  
স্তরে স্তরে  
বিদেশী ফুলের টব, সেথা জেরেনিয়মের গন্ধ  
শ্বসিয়া নিয়েছে মোর ছন্দ ।  
এ চারিদিকের এই সব নিয়ে সাথে  
বর্ষে গন্ধে বিচিত্রিত একটি দিনের ভূমিকাতে  
এটুকু রচনা মোর বাণীর যাত্রায় হোক পার  
যে ক'দিন তার ভাগ্যে সময়ের আছে অধিকার ॥

মংপু

৮ জুন, ১৯৩৯

---

## মানসী

মনে নেই, বুঝি হবে অগ্রহান মাস,  
তখন তরগীবাস  
ছিল মোর পদ্মাবক্ষ'পরে ।  
বামে বালুচরে  
সর্বশূন্য শুভ্রতার না পাই অবধি ।  
ধারে ধারে নদী

## সানাই

কলরবধারা দিয়ে নিঃশব্দে করে মিনতি ।  
ওপারেতে আকাশের প্রশান্ত প্রগতি  
নেমেছে মন্দির চূড়া 'পরে ।  
হেথা হোথা পলিমাটিস্তরে  
পাড়ির নিচের তলে  
ছোলা ক্ষেত ভরেছে ফসলে ।  
অরণ্যে নিবিড় গ্রাম নীলিমার নিম্নান্তের পটে ;  
বাঁধা মোর নৌকাখানি জনশূন্য বালুকার তটে ।

পূর্ণ যৌবনের বেগে  
নিরুদ্দেশ বেদনার জোয়ার উঠেছে মনে জেগে  
মানসীর মায়ামূর্তি বহি ।  
ছন্দের বুনানি গেঁথে অদেখার সঙ্গে কথা কহি ।

স্নানরৌদ্র অপরাহ্নবেলা  
পাণ্ডুর জীবন মোর হেরিলাম প্রকাণ্ড একেলা  
অনারক্ক সৃজনের বিশ্বকর্তা সম ।  
সুদূর হুর্গম  
কোন পথে যায় শোনা  
অগোচর চরণের স্বপ্নে আনাগোনা ।  
প্রলাপ বিছায়ে দিমু আগন্তুক অচেনার লাগি,  
আহ্বান পাঠানু শূন্যে তারি পদপরশন মাগি' ।

## সানাই

শীতের কৃপণ বেলা যায় ।

ক্ষীণ কুয়াশায়

অস্পষ্ট হয়েছে বালি ।

সায়াক্ষের মলিন সোনালি

পলে পলে

বদল করিছে রং মসৃণ তরঙ্গহীন জলে ।

বাহিরেতে বাণী মোর হোলো শেষ,

অস্তরের তারে তারে ঝংকাবে রহিল তার রেশ ।

অফলিত প্রতীক্ষার সেই গাথা আজি

কবিরে পশ্চাতে ফেলি শূণ্যপথে চলিয়াছে বাজি' ।

কোথায় রহিল তার সাথে

বক্ষস্পন্দে কম্পমান সেই স্তব্ধ রাতে

সেই সন্ধ্যাতারা ।

জন্মসাথীহারা

কাব্যখানি পাড়ি দিল চিহ্নহীন কালের সাগরে

কিছুদিন তরে ;

শুধু একখানি

স্মৃতিছিন্ন বাণী

সেদিনের দিনান্তের মগ্নস্মৃতি হতে

ভেসে যায় শ্রোতে ।

৯ জুন, ১৯৩৯

## দেওয়া নেওয়া

বাদল দিনের প্রথম কদম ফুল  
আমায় করেছ দান,  
আমি তো দিয়েছি ভরা শ্রাবণের  
মেঘ মল্লার গান।  
সজল ছায়ার অন্ধকারে  
ঢাকিয়া তারে  
এনেছি সুরের শ্যামল ক্ষেতের  
প্রথম সোনার ধান।  
আজ এনে দিলে যাহা  
হয়তো দিবে না কাল,  
রিক্ত হবে যে তোমার ফুলের ডাল।  
স্মৃতি বস্তার উছল প্লাবনে  
আমার এ গান শ্রাবণে শ্রাবণে  
ফিরিয়া ফিরিয়া বাহিবে তরুণী  
ভরি তব সম্মান ॥

---

## সার্থকতা

ফাল্গুনের সূর্য যবে  
দিল কর প্রসারিয়া সঙ্গীহীন দক্ষিণ অর্ণবে,  
অতল বিরহ তার যুগযুগান্তের  
উচ্ছ্বসিয়া ছুটে গেল নিত্য অশাস্তির  
সীমানার ধারে ।  
ব্যথার ব্যথিত পারে  
ফিরিল খুঁজিয়া,  
বেড়ালো যুঝিয়া  
আপন তরঙ্গদল সাথে ।  
অবশেষে রজনী প্রভাতে  
জানে না সে কখন ছুলায়ে গেল চলি  
বিপুল নিঃশ্বাসবেগে একটুকু মল্লিকার কলি ।  
উদ্বারিল গন্ধ তার,  
সচকিয়া লভিল সে গভীর রহস্য আপনার ।  
এই বার্তা ঘোষিল অস্বরে  
সমুদ্রের উদ্বোধন পূর্ণ আজি পুষ্পের অন্তরে ॥

৭ আশ্বিন, ১৩৪৫

সানাই

## মায়া

আছ এ মনের কোন্ সীমানায়  
যুগান্তরের প্রিয়া ।  
দূরে উড়ে যাওয়া মেঘের ছিদ্র দিয়া  
কখনো আসিছে রোদ্র কখনো ছায়া,  
আমার জীবনে তুমি আজ শুধু মায়া ;  
সহজে তোমায় তাই তো মিলাই সুরে,  
সহজেই ডাকি, সহজেই রাখি দূরে ।  
স্বপ্নরূপিণী তুমি  
আকুলিয়া আছ পথ-খোওয়া মোর  
প্রাণের স্বর্গভূমি ।  
নাই কোনো ভার, নাই বেদনার তাপ,  
ধূলির ধরায় পড়ে না পায়ের ছাপ ।  
তাই তো আমার ছন্দে  
সহসা তোমার চুলের ফুলের গন্ধে  
জাগে নির্জন রাতের দীর্ঘশ্বাস,  
জাগে প্রভাতের পেলব তারায়  
বিদায়ের স্নিত হাস ।

তাই পথে যেতে কাশের বনেতে  
মর্মর দেয় আনি  
পাশ-দিয়ে-চলা ধানী রং-করা  
সাড়ির পরশখানি ।

যদি জীবনের বর্তমানের তীরে  
আস কভু তুমি ফিরে  
স্পষ্ট আলোয়, তবে  
জানি না তোমার মায়ার সঙ্গে  
কায়ার কি মিল হবে ।

বিরহ স্বর্গলোকে  
সে জাগরণের রূঢ় আলোয়  
চিনিব কি চোখে চোখে ।  
সঙ্ক্যাবেলায় যে দ্বারে দিয়েছ  
বিরহ-করণ নাড়া  
মিলনের ঘায়ে সে দ্বার খুলিলে  
কাহারো কি পাবে সাড়া ।

কালিম্পঙ্ক  
২২ জুন, ১৯৩৮

সানাই

## অদেয়

তোমায় যখন সাজিয়ে দিলেম দেহ,  
করেছ সন্দেহ  
সত্য আমার দিইনি তাহার সাথে ।  
তাই কেবলি বাজে আমার দিনে রাতে  
সেই স্মৃতিত্র ব্যাথা,  
এমন দৈন্ত, এমন কৃপণতা,  
যৌবন ঐশ্বর্যে আমার এমন অসম্মান ।  
সে লাঞ্ছনা নিয়ে আমি পাইনে কোথাও স্থান  
এই বসন্তে ফুলের নিমন্ত্রণে ।  
ধেয়ানমগ্ন ক্ষণে  
নৃত্যহারা শাস্ত্র নদী স্পৃগু তটের অরণ্যচ্ছায়ায়  
অবসন্ন পল্লী চেতনায়  
মেশায় যখন স্বপ্নে বলা যুহু ভাষার ধারা,—  
প্রথম রাতের তারা  
অবাক চেয়ে থাকে ;  
অঙ্ককারের পারে যেন কানাকানির মাছুষ পেল কাঁকে,

## সানাই

হৃদয় তখন বিশ্বলোকের অনন্ত নিভূতে  
দোসর নিয়ে চায় যে প্রবেশিতে,  
কে দেয় ছুয়ার রুখে,  
একলা ঘরের স্তম্ভ কোণে থাকি নয়ন মুদে ।  
কী সংশয়ে কেন তুমি এলে কাঙাল বেশে ।  
সময় হোলে রাজার মতো এসে  
জানিয়ে কেন দাওনি আমায় প্রবল তোমার দাবি ।  
ভেঙে যদি ফেলতে ঘরের চাবি  
খুলার পরে মাথা আমার দিতেম লুটায়  
গর্ব আমার অর্ঘ্য হোত পায়ে ।  
দুঃখের সংঘাতে আজি সুধার পাত্র উঠেছে এই ভ'রে,  
তোমার পানে উদ্দেশেতে উর্ধ্ব আছি ধরে  
চরম আত্মদান ।  
তোমার অভিমান  
আঁধার ক'রে আছে আমার সমস্ত জগৎ,  
পাইনে খুঁজে সার্থকতার পথ ।

১৮ জুন, ১৯৩৮

সানাই

## রূপকথায়

কোথাও আমার হারিয়ে যাবার নেই মানা  
মনে মনে ।

মেলে দিলেম গানের সুরের এই ডানা,  
মনে মনে ॥

তেপান্তরের পাথার পেরোই রূপকথার,  
পথ ভুলে যাই দূর পারে সেই চুপকথার,  
পারুল বনের চম্পারে মোর হয় জানা  
মনে মনে ।

সূর্য যখন অস্তে পড়ে তুলি,  
মেঘে মেঘে আকাশকুসুম তুলি ।  
সাত সাগরের ফেনায় ফেনায় মিশে  
যাই ভেসে দূর দিশে  
পরীর দেশের বন্ধ ছয়ার দিই হানা,  
মনে মনে ॥

## আহ্বান

জ্বলে দিয়ে যাও সন্ধ্যাপ্রদীপ  
বিজন ঘবের কোণে।  
নামিল শ্রাবণ, কালো ছায়া তার  
ঘনাইল বনে বনে।  
বিস্ময় আনো ব্যগ্র হিয়ার পরশ প্রতীক্ষায়  
সজল পবনে নীল বসনের চঞ্চল কিনারায়,  
দুয়ার বাহির হতে আজি ক্ষণে ক্ষণে  
তব কবরীর করবীমালার বারতা আসুক মনে॥  
বাতায়ন হতে উৎসুক ছুই আঁখি  
তব মঞ্জীর-ধ্বনি পথ বেয়ে  
তোমারে কি যায় ডাকি।  
কম্পিত এই মোর বক্ষের ব্যথা  
অলকে তোমার আনে কি চঞ্চলতা  
বকুল বনের মুখরিত সমীরণে॥

---

সানাই

## অধীরা

চির অধীরার বিরহ আবেগ  
দূর দিগন্ত পথে  
ঝঞ্ঝার ধ্বজা উড়ায়ে ছুটিল  
মত্ত মেঘের রথে ।  
দ্বার ভাঙিবার অভিযান তার,  
বারবার কর হানে,  
বারবার হাঁকে, চাই আমি চাই,  
ছোট্টে অলক্ষ্য পানে ।

হুহু হুংকার, ঝঝর বর্ষণ,  
সঘন শূন্যে বিদ্যুৎঘাতে  
তীব্র কী হর্ষণ ।  
হৃদ্যম প্রেম কি এ,  
প্রস্তর ভেঙে খোঁজে উত্তর  
গঞ্জিত ভাষা দিয়ে ।

## মানাই

মানেন না শাস্ত্র, জানেন না শঙ্কা,  
নাই দুর্বল মোহ,  
প্রভুশাপ পরে হানে অভিশাপ  
দুর্বীর বিদ্রোহ !

করুণ ধৈর্যে গনেন না দিবস,  
সহেন না পলেক গোণ,  
তাপসের তপ করে না মাছু,  
ভাঙে সে মুনির মৌন ।  
মৃত্যুরে দেয় টিটকারি তার হাত্তে,  
মঞ্জীরে বাজে যে ছন্দ তার লাগ্তে,  
নহে মন্দাক্রান্তা,  
প্রদীপ লুকায়ে শঙ্কিত পায়ে  
চলে না কোমল কান্তা ।

নিষ্ঠুর তার চরণ তাড়নে  
বিস্ম পড়িছে খসে,  
বিধাতারে হানে ভংসনা বাণী  
বজ্রের নির্ঘোষে ।  
নিলাজ ক্ষুধায় অগ্নি ববষে  
নিঃসংকোচ অঁাখি,  
ঝড়ের বাতাসে অবগুষ্ঠন  
উড্ডীন থাকি থাকি ।

## সানাই

মুক্ত বেগীতে, শ্রান্ত অঁচলে, উচ্ছ্বল সাজে  
দেখা যায় ওর মাঝে  
অনাদি কালের বেদনার উদ্বোধন,  
সৃষ্টিযুগের প্রথম রাতের রোদন,  
যে নবসৃষ্টি অসীম কালের সিংহদ্বারে থামি  
হেঁকেছিল তার প্রথম মস্ত্রে “এই আসিয়াছি আমি।”

মঙপু

৮ জুন, ১৯৩৮

---

## বাসা বদল

যেতেই হবে।  
দিনটা যেন খোঁড়া পায়ের মতো  
ব্যাগুজ্ঞেতে বাঁধা।  
একটু চলা, একটু থেমে থাকা,  
টেবিলটাতে হেলান দিয়ে বসা  
সিঁড়ির দিকে চেয়ে।  
আকাশেতে পায়রাগুলো ওড়ে  
ঘুরে ঘুরে চক্র বেঁধে।

## সানাই

চেয়ে দেখি দেয়ালে সেই লেখনখানি  
গেল বছরের,  
লালরঙা পেনসিলে লেখা,  
—“এসেছিলুম ; পাইনি দেখা ; যাই তাহলে ।  
দোসরা ডিসেম্বর ।”—  
এ লেখাটি ধুলো ঝেড়ে রেখেছিলেম তাজা,  
যাবার সময় মুছে দিয়ে যাব ।  
পুরোনো এক ব্লটিং কাগজ  
চায়ের ভোজে অলস ক্ষণের হিজিবিজি কাটা,  
ভাঁজ ক’রে তাই নিলেম জামার নিচে ।  
প্যাক করতে গা লাগে না,  
মেজের ’পরে বসে আছি পা ছড়িয়ে ।  
হাতপাখাটা ক্লান্ত হাতে  
অচমনে দোলাই ধীরে ধীরে ।  
ডেস্কে ছিল মেডেন হেয়ার পাতায় বাঁধা  
শুকনো গোলাপ,  
কোলে নিয়ে ভাবছি বসে,  
কী ভাবছি কে জানে ।

অবিনাশের ফরিদপুরে বাড়ি ;  
আনুকূল্য তার  
বিশেষ কাজে লাগে  
আমার এই দশাতেই ।

## সানাই

কোথা থেকে আপনি এসে জোটে  
চাইতে না চাইতেই,  
কাজ পেলে সে ভাগ্য ব'লেই মানে,  
খাটে মুটের মতো ।  
জিনিসপত্র বাঁধাছাঁদা,  
লাগল ক'ষে আস্তিন গুটিয়ে ।  
ওডিকলোন মুড়ে নিল পুরোনো এক আনন্দবাজারে ।  
ময়লা মোজায় জড়িয়ে নিল এমোনিয়া ।  
ড্রেসিং কেসে রাখল খোপে খোপে  
হাত-আয়না, রূপোয় বাঁধা বুরুষ,  
নখ চাঁচবার উখো,  
সাবানদানি, ক্রিমের কোটো, ম্যাকাসারের তেল ।  
ছেড়ে-ফেলা শাড়িগুলো  
নানা দিনের নিমন্ত্রণের  
ফিকে গন্ধ ছড়িয়ে দিল ঘরে ।  
সেগুলো সব বিছিয়ে দিয়ে চেপে চেপে  
পাট করতে অবিনাশের যে সময়টা গেল  
নেহাত সেটা বেশি ।  
বারে বারে ঘুরিয়ে আমার চটিজোড়া  
কোঁচা দিয়ে যত্নে দিল মুছে,  
ফুঁ দিয়ে সে উড়িয়ে দিল ধুলোটা কাল্লনিক  
মুখের কাছে ধ'রে ।

## মানাই

দেয়াল থেকে খসিয়ে নিল ছবিগুলো,  
একটা বিশেষ ফোটো  
মুছল আপন আস্থিনেতে অকারণে ।  
একটা চিঠিব খাম  
হঠাৎ দেখি লুকিয়ে নিল  
বুকের পকেটেতে ।  
দেখে যেমন হাসি পেল, পড়ল দীর্ঘশ্বাস ।  
কার্পেটটা গুটিয়ে দিল দেয়াল ঘেঁষে,  
জন্মদিনের পাওয়া,  
হোলো বছর সাতেক ।  
অবসাদের ভারে অলস মন,  
চুল বাঁধতে গা লাগে নাই সারা সকাল বেলা,  
আল্গা আচল অশ্রুমনে বাঁধিনি ব্রোচ দিয়ে ।  
কুটিকুটি ছিঁড়তেছিলেম একে একে  
পুরোনো সব চিঠি—  
ছড়িয়ে রইল মেঝের পরে, ঝাঁট দেবে না কেউ  
বোশেখ মাসের শুকনো হাওয়া ছাড়া ।  
ডাক আনল পাড়ার পিয়োন বুড়ো,  
দিলেম সেটা কাঁপা হাতে রিডাইরেক্টেড করে ।  
রাস্তা দিয়ে চলে গেল তপসি মাছের হাঁক,  
চমকে উঠে হঠাৎ পড়ল মনে  
নাই কোনো দরকার ।

## সানাই

মোটর গাড়ির চেনা শব্দ কখন দূরে মিলিয়ে গেছে  
সাড়ে দশটা বেলায়  
পেরিয়ে গিয়ে হাজরা রোডের মোড় ।

উজাড় হোলো ঘর,  
দেয়ালগুলো অবুঝপারা তাকিয়ে থাকে ফ্যাকাশে দৃষ্টিতে  
যেখানে কেউ নেই ।  
সিঁড়ি বেয়ে পৌঁছে দিল অবিনাশ  
ট্যাক্সি গাড়ি পরে ।  
এই দরোজায় শেষ বিদায়ের বাণী  
শোনা গেল ঐ ভক্তের মুখে,—  
বললে, আমায় চিঠি লিখে ।  
রাগ হোলো তাই শুনে  
কেন জানি বিনা কারণেই ॥

---

## শেষ কথা

বাগ করো নাই করো, শেষ কথা এসেছি বলিতে,  
তোমার প্রদীপ আছে, নাইকো সলিতে ।  
শিল্প তার মূল্যবান, দেয় না সে আলো,  
চোখেতে জড়ায় লোভ, মনেতে ঘনায় ছায়া কালো

## সানাই

অবসাদে । তবু তারে প্রাণপণে রাখি যতনেই,  
ছেড়ে যাব তার পথ নেই ।  
অন্ধকারে অন্ধদৃষ্টি নানাবিধ স্বপ্ন দিয়ে ঘেরে  
আচ্ছন্ন করিয়া বাস্তবেরে ।  
অস্পষ্ট তোমারে যবে  
ব্যগ্রকণ্ঠে ডাক দিই অত্যাঙ্গুর স্তবে  
তোমারে লজ্জন করি' সে ডাক বাজিতে থাকে সুরে  
তাহারি উদ্দেশে, আজো যে রয়েছে দূরে ।  
হয়তো সে আসিবে না কভু,  
তিমিরে আচ্ছন্ন তুমি তারেই নির্দেশ করো তবু ।  
তোমার এ দূত অন্ধকার  
গোপনে আমার  
ইচ্ছারে করিয়া পঙ্গু গতি তার করেছে হরণ,  
জীবনের উৎসজলে মিশিয়েছে মাদক মরণ ।  
রক্তে মোর যে দুর্বল আছে  
শক্তিত বন্ধের কাছে,  
তারেই সে করেছে সহায়,  
পশুবাহনের মতো মোহভার তাহারে বহায় ।  
সে যে একান্তই দীন,  
মূল্যহীন  
নিগড়ে বাঁধিয়া তা'রে  
আপনারে

## সানাই

বিড়ম্বিত করিতেছ পূর্ণ দান হতে  
এ প্রমাদ কখনো কি দেখিবে আলোতে ।  
প্রেম নাহি দিয়ে যারে টানিয়াছ উচ্ছিষ্টের লোভে,  
সে-দীন কি পার্শ্বে তব শোভে ।  
কভু কি জানিতে পাবে অসম্মানে নত এই প্রাণ  
বহন করিছে নিত্য তোমারি আপন অসম্মান ।  
আমারে যা পারিলে না দিতে  
সে কার্পণ্য তোমারেই চিরদিন রহিল বঞ্চিত ॥

শ্রীমলী

২২ মার্চ, ১৯৩৯

---

## যুক্তপথে

বাঁকাও ভুরু দ্বারে আগল দিয়া,  
চক্ষু করো রাঙা,  
ঐ আসে মোর জাত-খোয়ানো প্রিয়া  
ভদ্র-নিয়ম-ভাঙা ।  
আসন পাবার কাঙাল ও নয় তো  
আচার-মানা ঘরে,—  
আমি ওকে বসাব হয়তো  
ময়লা কাঁথার পরে ।

## সানাই

সাবধানে রয় বাজার দরের খোঁজে  
সাধু গাঁয়ের লোক,  
ধুলার বরন ধূসর বেশে ও যে  
এড়ায় তাদের চোখ ।  
বেশের আদর করতে গিয়ে ওরা  
রূপের আদর ভোলে ;—  
আমার পাশে ও মোর মনোচোরা  
একলা এসো চলে ।  
হঠাৎ কখন এসেছ ঘর ফেলে  
তুমি পথিক-বধু,  
মাটির ভাঁড়ে কোথার থেকে পেল  
পদ্মবনের মধু ।  
ভালোবাসি ভাবের সহজ খেলা  
এসেছ তাই শুনে,  
মাটির পাত্রে নাইকো আমার হেলা  
হাতের পরশগুণে !  
পায়ে নূপুর নাই রহিল বাঁধা  
নাচেতে কাজ নাই,  
যে-চলনটি রক্তে তোমার সাধা  
মন ভোলাবে তাই ।  
লজ্জা পেতে লাগে তোমার লাজ  
ভূষণ নেইকো ব'লে,

## মানাই

নষ্ট হবে নেই তো এমন সাজ  
ধুলোর পরে চ'লে ।  
গাঁয়ের কুকুব ফেরে তোমার পাশে  
রাখালরা হয় জড়ো,  
বেদের মেয়ের মতন অনায়াসে  
টাট্টু ঘোড়ায় চড়ে ।  
ভিজে শাড়ি হাঁটুর পরে তুলে  
পার হয়ে যাও নদী,  
বামুনপাড়ার রাস্তা যে যাই ভুলে  
তোমায় দেখি যদি ।  
হাটের দিনে শাক তুলে নাও ক্ষেতে  
চুপড়ি নিয়ে কাঁখে,  
মটর কলাই খাওয়াও আঁচল পেতে  
পথের গাধাটাকে ।  
মানো নাকো বাদল দিনের মানা,  
কাদায় মাথা পায়ে  
মাথায় তুলে কচুর পাতাখানা  
যাও চলে দূর গাঁয়ে ।  
পাই তোমারে যেমন খুশি তাই  
যেথায় খুশি সেথা ।  
আয়োজনের বালাই কিছু নাই  
জানবে বলো কে তা ।

মানাই

সতর্কতার দায় ঘুচায়ে দিয়ে  
পাড়ার অনাদরে  
এসো ও মোর জাত-খোয়ানো প্রিয়ে  
মুক্ত পথের পরে ॥

৬ নভেম্বর, ১৯৩৬

---

### দ্বিধা

এসেছিলে তবু আসো নাই, তাই  
জানায়ে গেলে ।  
সমুখের পথে পলাতকা পদপতন ফেলে ।  
তোমার সে উদাসীনতা  
উপহাসভরে জানাল কি মোর দীনতা ।  
সে কি ছল-করা অবহেলা, জানি না সে,  
চপল চরণ সত্য কি ঘাসে ঘাসে  
গেল উপেক্ষা মেলে ।  
পাতায় পাতায় ফোঁটা ফোঁটা ঝরে জল,  
ছল ছল করে শ্যাম বনাস্ততল ।  
তুমি কোথা দূরে কুঞ্জ ছায়াতে  
মিলে গেলে কলমুখর মায়াতে,  
পিছে পিছে তব ছায়ারোদ্ভের  
খেলা গেলে তুমি খেলে ॥

সানাই

## আধোজাগা

রাত্রে কখন মনে হোলো যেন  
যা দিলে আমার দ্বারে,  
জানি নাই আমি জানি নাই, তুমি  
স্বপ্নের পরপারে ।  
অচেতন মনমাঝে  
নিবিড় গহনে ঝিমি ঝিমি ধ্বনি বাজে,  
কাঁপিছে তখন বেণুবনবায়ু  
ঝিল্লির ঝংকারে ॥  
জাগি নাই আমি জাগি নাই গো  
আধোজাগরণ বহিছে তখন  
মৃদু মন্ত্রধারে ॥  
গভীর মল্লস্বরে  
কে করেছে পাঠ পথের মন্ত্র  
মোর নির্জন ঘরে ।  
জাগি নাই আমি জাগি নাই, যবে  
বনের গন্ধ রচিল ছন্দ তন্ত্রার চারিধারে ॥

## যক্ষ

যক্ষের বিরহ চলে অবিশ্রাম অলকার পথে  
পবনের ধৈর্যহীন রথে  
বর্ষাবাস্প-ব্যাকুলিত দিগন্তে ইঙ্গিত আমন্ত্রণে  
গিরি হতে গিরিশীর্ষে বন হতে বনে ।  
সমুৎসুক বলাকার ডানার আনন্দ-চঞ্চলতা,  
তারি সাথে উড়ে চলে বিরহীর আগ্রহ-বারতা  
চিরদূর স্বর্গপুরে,  
ছায়াচ্ছন্ন বাদলের বক্ষোদীর্ঘ নিঃশ্বাসের সুরে ।  
নিবিড় ব্যথার সাথে পদে পদে পরমশুন্দর  
পথে পথে মেলে নিরন্তর ।

পথিক কালের মর্মে জেগে থাকে বিপুল বিচ্ছেদ ;  
পূর্ণতার সাথে ভেদ  
মিটাতে সে নিত্য চলে ভবিষ্যের তোরণে তোরণে  
নব নব জীবনে মরণে ।  
এ বিশ্ব তো তারি কাব্য, মন্দাক্রান্তে তারি রচে টিকা  
বিরাত হৃৎখের পটে আনন্দের সুদূর ভূমিকা ।  
ধন্য যক্ষ সেই  
সৃষ্টির আগুন-জ্বালা এই বিরহেই ।

## সানাই

হোথা বিরহিনী ও যে স্তব্ধ প্রতীক্ষায়

দণ্ড পল গনি গনি মন্দির দিবস তার যায় ।

সম্মুখে চলার পথ নাই,

রুদ্ধ কক্ষে তাই

আগন্তুক পাশ্চ লাগি ক্লান্তিভারে ধূলিশায়ী আশা ।

কবি তারে দেয় নাই বিরহের তীর্থগামী ভাষা ।

তার তরে বাণীহীন যক্ষপুরী ঐশ্বৰ্যের কারা

অর্থহারা

নিত্য পুষ্প, নিত্য চন্দ্রালোক,

অস্তিত্বের এত বড়ো শোক

নাই মর্ত্যভূমে

জাগরণ নাহি যার স্বপ্নমুগ্ধ ঘুমে ।

প্রভুবরে যক্ষের বিরহ

আঘাত করিছে ওর দ্বারে অহরহ ।

স্তব্ধগতি চরমের স্বর্গ হোতে

ছায়ায় বিচিত্র এই নানাবর্ণ মর্ত্যের আলোতে

উহারে আনিতে চাহে

তরঙ্গিত প্রাণের প্রবাহে ।

কালিঙ্গ

২০ জুন, ১৯৩৮

## পরিচয়

বয়স ছিল কাঁচা,  
বিদ্যালয়ের মধ্যপথের থেকে  
বার হয়েছি আই-এ-র পালা সেরে।  
মুক্ত বেণী পড়ল বাঁধা খোঁপার পাকে,  
নতুন রঙের শাড়ি দিয়ে  
দেহ ঘিরে যৌবনকে নতুন নতুন ক'রে  
পেয়েছিলুম বিচিত্র বিশ্বয়ে।

অচিন জগৎ বুকের মধ্যে পাঠিয়ে দিত ডাক  
কখন থেকে থেকে,  
ছপুর বেলায় অকাল ধারায় ভিজে মাটির আতপ্ত নিঃশ্বাসে,  
চৈত্ররাতের মদির ঘন নিবিড় শূন্যতায়,  
ভোর বেলাকার তন্দ্রাবিবশ দেহে  
ঝাপসা আলোয় শিশির-ছোঁওয়া আলস জড়িমাতে।  
'যে বিশ্ব মোর স্পষ্ট জানার শেষের সীমায় থাকে  
তারি মধ্যে গুণী তুমি অচিন সবার চেয়ে  
তোমার আপন রচন অন্তরালে।

## সানাই

কখনো বা মাসিক পত্রে চমক দিত প্রাণে  
অপূর্ব এক বাণীর ইঙ্গজাল ;  
কখনো বা আল্গা-মলাট বইয়ের দাগী পাতায়  
হাজারো বার পড়া লেখায় পুরোনো কোন্ লাইন  
হান্‌ত বেদন বিছাতেরি মতো,  
কখনো বা বিকেল বেলায় ট্র্যামে চ'ড়ে  
হঠাৎ মনে উঠত গুনগুনিয়ে  
অকারণে একটি তোমার শ্লোক ।

অচিন কবি তোমার কথার ফাঁকে ফাঁকে,  
দেখা যেত একটি ছায়াছবি,  
স্বপ্ন-মোড়ায় চড়া তুমি খুঁজতে বেরিয়েছ  
তোমার মানসীকে  
সীমাবিহীন তেপান্তরে,  
রাজপুত্র তুমি যে রূপকথার ।

আয়নাখানার সামনে সেদিন চুল বাঁধবার বেলায়  
মনে যদি করে থাকি সে রাজকন্যা আমিই,  
হেসো না তাই ব'লে ।  
তোমার সঙ্গে দেখা হবার আগেভাগেই  
ছুঁইয়েছিলে রূপোর কাঠি,  
জাগিয়েছিলে ঘুমন্ত এই প্রাণ ।

## সানাই

সেই বয়সে আমার মতো অনেক মেয়ে  
ঐ কথাটাই ভেবেছিল মনে ;  
তোমায় তারা বারে বারে পত্র লিখেছিল  
কেবল তোমার দেয়নি ঠিকানাটা ।

হায় রে খেয়াল ! খেয়াল এ কোন্ পাগলা বসন্তের ;  
ঐ খেয়ালের কুয়াশাতে আবছা হয়ে যেত  
কত ছপুর বেলায়  
কত ক্লাসের পড়া,  
উছল হয়ে উঠত হঠাৎ  
যৌবনেরি খাপছাড়া এক ঢেউ ।

রোমান্স বলে এ'কেই  
নবীন প্রাণের শিল্পকলা আপ'না ভোলাবার ।  
আর কিছুদিন পরেই  
কখন ভাবের নীহারিকায় রশ্মি হোত ফিকে,  
বয়স যখন পেরিয়ে যেত বিশ-পঁচিশের কোঠা,  
হাল আমলের নভেল প'ড়ে  
মনের যখন আঁকু যেত ভেঙে  
তখন হাসি পেত  
আজকে দিনের কচিমেয়েপনায় ।

## মানাই

সেই যে তরুণীরা

ক্লাসের পড়ার উপলক্ষ্যে

পড়ত ব'সে “ওড্‌স্‌ টু নাইটিঙ্গেল”,

না-দেখা কোন্ বিদেশবাসী বিহঙ্গমের

না-শোনা সংগীতে

বক্ষে তাদের মোচড় দিত,

ঝরোখা সব খুলে যেত হৃদয়-বাতায়নে

ফেনায়িত স্নানীল শূণ্যতায়,

উজাড় পরীস্থানে।

বরষ কয়েক যেতেই

চোখে তাদের জুড়িয়ে গেল দৃষ্টিদহন

মরীচিকায় পাগল হরিণীর।

ছেঁড়া মোজা শেলাই করার এল যুগান্তর,

বাজারদরের ঠকা নিয়ে চাকরগুলোর সঙ্গে বকাবকির,

চা-পান সভায় হাঁটুজলের সখ্যসাধনার।

কিন্তু আমার স্বভাববশে

ঘোর ভাঙেনি যখন ভোলা মনে

এলুম তোমার কাছাকাছি।

চেনাশোনার প্রথম পালাতেই

পড়ল ধরা একেবারে দুর্লভ নও তুমি,

## মানাই

আমার লক্ষ্য সন্ধানেরই আগেই  
তোমার দেখি আপনি বাঁধন মানা ।  
হায় গো রাজার পুত্র  
একটু পরশ দেবামাত্র পড়ল মুকুট খ'সে  
আমার পায়ের কাছে,  
কটাক্ষেতে চেয়ে তোমার মুখে  
হেসেছিলুম আবিল চোখের বিহ্বলতায় ।  
তাহার পরে হঠাৎ কবে মনে হোলো  
দিগন্ত মোর পাংশু হয়ে গেল  
মুখে আমার নামল ধূসর ছায়া ;  
পাখির কণ্ঠে মিইয়ে গেল গান  
পাথায় লাগল উড়ুক্ষু পাগলামি ।  
পাখির পায়ে এঁটে দিলেম ফাঁস  
অভিমানের ব্যঙ্গস্বরে,  
বিচ্ছেদেরি ক্ষণিক বঞ্চনায়,  
কটুরসের তীব্র মাধুরীতে ।

এমন সময় বেড়াজালের ফাঁকে  
পড়ল এসে আরেক মায়াবিনী ;  
রগিতা তার নাম ।  
এ কথাটা হয়তো জানো  
মেয়েতে মেয়েতে আছে বাজিরাখার পণ  
ভিতরে ভিতরে ।

## সানাই

কটাক্ষে সে চাইল আমায়, তারে চাইলুম আমি,  
পাশা ফেলল নিপুণ হাতের ঘুরুনিতে,  
এক দানেতেই হোলো তারি জিত।  
জিত ? কে জানে তাও সত্য কি না।  
কে জানে তা নয় কি তারি  
দারুণ হারের পালা।  
সেদিন আমি মনের ক্ষোভে  
বলেছিলাম কপালে কর হানি,  
চিনব ব'লে এলেম কাছে  
হোলো বটে নিংড়ে নিয়ে চেনা  
চরম বিকৃতিতে।  
কিন্তু তবু ধিক আমারে, যতই দুঃখ পাই  
পাপ যে মিথ্যে কথা।  
আপনাকে তো ভুলিয়েছিলাম যেই তোমারে এলেম ভোলাবারে,  
ঘুলিয়ে দেওয়া ঘূর্ণিপাকে সেই কি চেনার পথ।  
আমার মায়ার জালটা ছিঁড়ে অবশেষে আমায় বাঁচালে যে ;  
আবার সেই তো দেখতে পেলেম  
আজো তোমার স্বপ্ন-ঘোড়ায় চড়া  
নিত্যকালের সন্ধান সেই মানসসুন্দরীকে  
সীমাবিহীন তেপাস্তুরের মাঠে।  
দেখতে পেলেম ছবি,  
এই বিশ্বের হৃদয়মাঝে

সানাই

বসে আছেন অনির্বচনীয়,  
তুমি তাঁরি পায়ের কাছে বাজাও তোমার বাঁশি ।  
এ সব কথা শোনাচ্ছে কি সাজিয়ে বলার মতো,  
না বন্ধু, এ হঠাৎ মুখে আসে,  
চেউয়ের মুখে মোতির ঝিলুক যেন  
মরুবালুর তীরে ।  
এ সব কথা প্রতিদিনের নয় ;  
যে তুমি নও প্রতিদিনের, সেই তোমারে দিলাম যে অঞ্জলি  
তোমার দেবীর প্রসাদ র'বে তাহে ।  
আমি কি নই সেই দেবীরই সহচরী,  
ছিলাম না কি অচিন রহস্যে  
যখন কাছে প্রথম এসেছিলে ?  
  
তোমায় বেড়া দিতে গিয়ে আমায় দিলেম সীমা ।  
তবু মনে রেখো  
আমার মধ্যে আজো আছে চেনার অতীত কিছু ।

১৩ জুন, ১৯৩৯

মানাই

## নারী

স্বাতন্ত্র্যস্পর্ধায় মত্ত পুরুষেরে করিবারে বশ  
যে আনন্দ রস  
রূপ ধরেছিল রমণীতে,  
ধরণীর ধমনীতে  
তুলেছিল চাঞ্চল্যের দোল  
রক্তিম হিল্লোল,  
সেই আদি ধ্যানমূর্তিটিরে  
সন্ধান করিছে ফিরে ফিরে  
রূপকার মনে মনে  
বিধাতার তপস্রার সংগোপনে ।  
পলাতকা লাভণ্য তাহার  
বাঁধিবারে চেয়েছে সে আপন সৃষ্টিতে  
প্রত্যক্ষ দৃষ্টিতে ।  
হুঁবাহু প্রস্তুতপিণ্ডে হুঁসাধ্য সাধনা  
সিংহাসন করেছে রচনা  
অধরাকে করিতে আপন  
চিরন্তন ।  
সংসারের ব্যবহারে যত লজ্জা ভয়  
সংকোচ সংশয়,

## সানাই

শাস্ত্র বচনের ঘের,  
ব্যবধান বিধি বিধানের  
সকলি ফেলিয়া দূরে  
ভোগের অতীত মূল সুরে  
নগ্নতা করেছে শুচি,  
দিয়ে তারে ভুবনমোহিনী শুভ্রকুচি ।  
পুরুষের অনন্ত বেদন  
মর্ত্যের মদিরা মাঝে স্বর্গের সুধারে অন্বেষণ ।  
তারি চিহ্ন যেখানে সেখানে  
কাব্যে গানে,  
ছবিতে মূর্তিতে,  
দেবালয়ে দেবীর স্তুতিতে ।  
কালে কালে দেশে দেশে শিল্পস্বপ্নে দেখে রূপখানি  
নাহি তাহে প্রত্যহের গ্লানি ।  
হ্রবলতা নাহি তাহে, নাহি ক্লান্তি,—  
টানি লয়ে বিশ্বের সকল কাস্তি  
আদি স্বর্গলোক হতে নির্বাসিত পুরুষের মন  
রূপ আর অরূপের ঘটায় মিলন ।  
উদ্ভাসিত ছিলে তুমি, অয়ি নারী অপূর্ব আলোকে  
সেই পূর্ণ লোকে  
সেই ছবি আনিতেছ ধ্যান ভরি'  
বিচ্ছেদের মহিমায় বিরহীর নিত্য সহচরী ॥

মানাই

## গানের স্মৃতি

কেন মনে হয়

তোমার এ গানখানি এখনি যে শোনালে তা নয় ।  
বিশেষ লগ্নের কোনো চিহ্ন পড়ে নাই এর স্মরে ;  
শুধু এই মনে পড়ে এই গানে দিগন্তের দূরে  
আলোর কাঁপনখানি লেগেছিল সঙ্ক্যাতারকার  
সুগভীর স্তব্ধতায়, সে স্পন্দন শিরায় আমাব  
রাগিণীর চমকেতে রহি রহি বিচ্ছুরিছে আলো  
আজি দেয়ালির দিনে । আজো এই অন্ধকারে আলো  
সেই সায়াহ্নের স্মৃতি, যে নিভৃতে নক্ষত্র সভায়  
নীহারিকা ভাষা তার প্রসারিল নিঃশব্দ প্রভায়,—  
যে ক্ষণে তোমার স্বর জ্যোতির্লোকে দিতেছিল আনি  
অনন্তের পথ-চাওয়া ধরিত্রীর সঙ্করণ বাণী ।  
সেই স্মৃতি পার হয়ে মনে মোর এই প্রশ্ন লাগে,  
কালের অতীত প্রাস্তে তোমাতে কি চিনিতাম আগে ।  
দেখা হয়েছিল না কি কোনো এক সংগীতের পথে  
অরূপের মন্দিরেতে অপরূপ ছন্দের জগতে ।

শাস্তিনিকেতন

দেয়ালি

১৩৪৫

## অবশেষে

যৌবনের অনাহুত রবাহুত ভিড়-করা ভোজে  
কে ছিল কাহার খোঁজে  
ভালো করে মনে ছিল না তা ।  
ক্ষণে ক্ষণে হয়েছে আসন পাতা,  
ক্ষণে ক্ষণে নিয়েছে সরায়ে ।  
মালা কেহ গিয়েছে পরায়ে  
জেনেছিলাম, তবু কে যে জানি নাই তারে ।  
মাঝখানে বারে বারে  
কত কই যে এলোমেলো,  
কভু গেল, কভু এল ।  
সার্থকতা ছিল যেইখানে  
ক্ষণিক পরশি তারে চলে গেছি জনতার টানে ।  
  
সে যৌবন মধ্যাহ্নের অজস্রের পালা  
শেষ হয়ে গেছে আজি, সন্ধ্যার প্রদীপ হোলো জ্বালা ।

## মানাই

অনেকের মাঝে যারে কাছে দেখে হয় নাই দেখা  
একেবারে ঘরে তারে একা  
চেয়ে দেখি, কথা কই চুপে চুপে,  
পাই তারে না-পাওয়ার রূপে ॥

শান্তিনিকেতন  
৩ ডিসেম্বর, ১৯৩৮

---

## সম্পূর্ণ

প্রথম তোমাকে দেখেছি তোমার  
বোনের বিয়ের বাসরে  
নিমন্ত্রণের আসরে ।  
সেদিন তখনো দেখেও তোমাকে দেখিনি,  
তুমি যেন ছিলে সূক্ষ্মরেখিনী  
ছবির মতো ;—  
পেলিলে-আঁকা ঝাপসা ধোঁয়াটে লাইনে  
চেহারার ঠিক ভিতরদিকের  
সন্ধানটুকু পাইনে ।

মানাই

নিজের মনের রং মেলাবার বাটিতে  
চাঁপালি খড়ির মাটিতে  
গোলাপি খড়ির রং হয়নি যে গোলা,  
সোনালি রঙের মোড়ক হয়নি খোলা।  
দিনে দিনে শেষে সময় এসেছে আগিয়ে,  
তোমার ছবিতে আমারি মনের  
রং যে দিয়েছি লাগিয়ে।  
বিধাতা তোমাকে সৃষ্টি করতে এসে  
আনমনা হয়ে শেষে  
কেবল তোমার ছায়া  
রচে দিয়ে, ভুলে ফেলে গিয়েছেন  
শুরু করেননি কায়া।  
যদি শেষ ক'রে দিতেন, হয়তো  
হোত সে তিলোত্তমা,  
একেবারে নিরুপমা।  
যত রাজ্যের যত কবি তাকে  
ছন্দের ঘের দিয়ে  
আপন বুলিটি শিথিয়ে করত  
কাব্যের পোষা টিয়ে।  
আমার মনের স্বপ্নে তোমাকে  
যেমনি দিয়েছি দেহ  
অমনি তখন নাগাল পায় না  
সাহিত্যিকেরা কেহ।

## সানাই

আমার দৃষ্টি তোমার সৃষ্টি  
হয়ে গেল একাকার ।  
মাঝখান থেকে বিশ্বপতির ঘুচে গেল অধিকার ।  
তুমি যে কেমন আমিই কেবল জানি,  
কোনো সাধারণ বাণী  
লাগে না কোনোই কাজে ।  
কেবল তোমার নাম ধ'রে মাঝে মাঝে  
অসময়ে দিই ডাক,  
কোনো প্রয়োজন থাক বা নাইবা থাক ।  
অমনি তখনি কাঠিতে জড়ানো উলে  
হাত কেঁপে গিয়ে গুন্‌তিতে যাও ভুলে' ।  
কোনো কথা আর নাই কোনো অভিধানে  
যার এত বড়ো মানে ॥

শ্রামলী

২০ ফেব্রুয়ারি, ১৯৩৯

---

## উদ্ভূত

তব দক্ষিণ হাতের পরশ  
করোনি সমর্পণ ।  
লেখে আর মোছে তব আলো ছায়া  
ভাবনার প্রাঙ্গণে  
ধনে ধনে আলিপন ॥

## সানাই

বৈশাখে কৃশ নদী  
পূর্ণ স্রোতের প্রসাদ না দিল যদি,  
শুধু কুণ্ঠিত বিশীর্ণ ধারা  
তীরের প্রান্তে  
জাগাল পিয়াসী মন ॥

যতটুকু পাই ভীৰু বাসনার  
অঞ্জলিতে  
নাই বা উচ্ছলিল,  
সারা দিবসের দৈন্তের শেষে  
সঞ্চয় সে যে  
সারা জীবনের স্বপ্নের আয়োজন ॥

---

## ভাঙন

কোন ভাঙনের পথে এলে  
আমার সুপ্ত রাতে ।  
ভাঙল যা তাই ধ্বংস হোলো  
নিষ্ঠুর চরণ পাতে ।  
রাখব গেঁথে তা'রে  
কমলমণির হারে  
ছলবে বুকে গোপন বেদনাতে ।

## সানাই

সেতারখানি নিয়েছিলে

অনেক যতন ভরে

তার যবে তার ছিন্ন হোলো

ফেললে ভূমি পরে ।

নীরব তাহার গান

রইল তোমার দান

ফাগুন হাওয়ার মর্মে বাজে

গোপন মন্ততাতে ॥

---

## অত্যাঙ্কি

মন যে দরিদ্র, তার

তর্কের নৈপুণ্য আছে, ধনৈশ্বর্য নাইকো ভাষার ।

কল্পনা-ভাণ্ডার হতে তাই করে ধার

বাক্য অলংকার ।

কখন হৃদয় হয় সহসা উতলা

তখন সাজিয়ে বলা

আসে অগত্যাই ;

শুনে তাই

## সানাই

কেন তুমি হেসে ওঠো আধুনিকা প্রিয়ে  
অত্যাঙ্কির অপবাদ দিয়ে ।  
তোমার সম্মানে ভাষা আপনারে করে সুসজ্জিত,  
তারে তুমি বারে বারে পরিহাসে কোরো না লজ্জিত ।  
তোমার আরতি অর্ঘ্যে অত্যাঙ্কি-বঞ্চিত ভাষা হয়,  
অসত্যের মতো অশ্রদ্ধেয় ।  
নাই তার আলো,  
তার চেয়ে মৌন ঢের ভালো ।  
তব অঙ্গে অত্যাঙ্কি কি করো না বহন  
সন্ধ্যায় যখন  
দেখা দিতে আসো ।  
তখন যে হাসি হাসো  
সে তো নহে মিতব্যয়ী প্রত্যাহের মতো,  
অতিরিক্ত মধু কিছু তার মধ্যে থাকে তো সংহত ।  
সে হাসির অতিভাষা  
মোর বাক্যে ধরা দেবে নাই সে প্রত্যাশা ।  
অলংকার যত পায় বাক্যগুলো তত হার মানে,  
তাই তার অস্থিরতা বাড়াবাড়ি ঠেকে তব কানে ।  
কিন্তু ওই আসমানি শাড়িখানি  
ও কি নহে অত্যাঙ্কির বাণী ।  
তোমার দেহের সঙ্গে নীল গগনের  
ব্যঞ্জন মিলিয়ে দেয়, সে যে কোন্ অসীম মনের

সানাই

আপন ইঙ্গিত,  
সে যে অঙ্গের সংগীত ।  
আমি তারে মনে জানি সত্যেরো অধিক,  
সোহাগ-বাণীরে মোর হেসে কেন বলো কাল্পনিক ।

পুরী  
৭ মে, ১৯৩৯

---

## ইঠাৎ মিলন

মনে পড়ে কবে ছিলাম একা বিজন চরে ;  
তোমার নৌকা ভরা পালের ভরে  
সুদূর পারের হতে  
কোন্ অবেলায় এল উজান স্রোতে ।  
দ্বিধায় ছোঁওয়া তোমার মৌনীয়ুখে  
কাঁপতেছিল সলজ্জ কোঁতুকে  
আঁচল আড়ে দীপের মতো একটুখানি হাসি,  
নিবিড় সুখের বেদন দেহে উঠছিল নিশ্বাসি' ।  
ভ্রুঃসহ বিশ্বাসে  
ছিলাম স্তব্ধ হয়ে,

বলার মতো বলা পাইনি খুঁজে ;  
মনের সঙ্গে যুঝে  
মুখের কথার হোলো পরাজয় ।  
তোমার তখন লাগল বুঝি ভয়,  
বাঁধন-ছেঁড়া অধীরতার এমন ছঃসাহসে  
গোপনে মন পাছে তোমায় দোষে ।  
মিনতি উপেক্ষা করি' স্বরায় গেলে চলে  
“তবে আমি” এইটি শুধু ব'লে ।  
তখন আমি আপন মনে যে গান সারাদিন  
গেয়েছিলেম, তাহারি সুর রইল অন্তহীন ।  
পাথর-ঠেকা নির্ঝর সে, তারি কলস্বর  
দূরের থেকে পূর্ণ করে বিজন অবসর ॥

আলমোড়া

২৭ মে, ১৯৩৭

---

## গানের জাল

দৈবে তুমি  
কখন নেশায় পেয়ে  
আপন মনে  
যাও চলে গান গেয়ে ।  
যে আকাশে সুরের লেখা লেখো  
বুঝি না তা' কেবল রহি চেয়ে ।

## সানাই

হৃদয় আমার অদৃশ্যে যায় চলে,  
প্রতিদিনের ঠিকঠিকানা ভোলে,  
মৌমাছিরূপে আপনা হারায় যেন  
গন্ধের পথ বেয়ে।

গানের টানা জালে  
নিমেষ-ঘেরা বাঁধন হতে  
টানে অসীম কালে।  
মাটির আড়াল করি ভেদন  
স্বর্গলোকের আনে বেদন  
পরান ফেলে ছেয়ে ॥

---

## মরীয়া

মেঘ কেটে গেল  
আজি এ সকাল বেলায়।  
হাসি মুখে এসে  
অলস দিনেরি খেলায়।  
আশা নিরাশার সঙ্কয় যত সুখদুঃখে ঘেরে  
ভরে ছিল যাহা সার্থক আর নিষ্ফল প্রণয়ে,

## মানাই

অকূলের পানে দিব তা ভাসায়ে  
ভাঁটার গাঙের ভেলায় ।  
যত বাঁধনের গ্রন্থন দিব খুলে  
ক্ষণিকের তরে রহিব সকল ভুলে ।  
যে গান হয়নি গাওয়া  
যে দান হয়নি পাওয়া  
পুবেন হাওয়ায় পরিতাপ তার উড়াইব অবহেলায় ॥

---

## দূরবর্তিনী

সেদিন তুমি দূরের ছিলে মম,  
তাই ছিলে সেই আসন পরে যা অন্তরতম ।  
অগোচরে সেদিন তোমার লীলা  
বইত অন্তঃশীলা ।  
থমকে যেতে যখন কাছে আসি,  
তখন তোমার ত্রস্ত চোখে বাজত দূরের বাঁশি ।  
ছায়া তোমার মনের কুঞ্জে ফিরত চুপে চুপে,  
কায়্য নিত অপরাপের রূপে ।  
আশার অতীত বিরল অবকাশে  
আসতে তখন পাশে ;  
একটি ফুলের দানে  
চিরফাগুন দিনের হাওয়া আনতে আমার প্রাণে ।

## সানাই

অবশেষে যখন তোমার অভিসারের রথ  
পেল আপন সহজ সুগম পথ,  
ইচ্ছা তোমার আর নাহি পায় নতুন জানার বাধা,  
সাধনা নাই, শেষ হয়েছে সাধা ।  
তোমার পালে লাগে না আর হঠাৎ দখিন হাওয়া ;  
শিথিল হোলো সকল চাওয়া পাওয়া ।  
মাঘের রাতে আমার বোলের গন্ধ বহে যায়  
নিঃশ্বাস তার মেলে না আর তোমার বেদনায় ।  
উদ্বেগ নাই প্রত্যাশা নাই ব্যথা নাইকো কিছু,  
পোষ-মানা সব দিন চলে যায় দিনের পিছু পিছু ।  
অলস ভালোবাসা  
হারিয়েছে তার ভাষাপারের ভাষা ।  
ঘরের কোণের ভরাপাত্র ছুই বেলা তা পাই,  
ঝরনা তলার উছল পাত্র নাই ।

---

## গান

যে ছিল আমার স্বপনচারিণী  
এতদিন তারে বুঝিতে পারিনি,  
দিন চলে গেছে খুঁজিতে ।

## সানাই

শুভখনে কাছে ডাকিলে,  
লজ্জা আমার ঢাকিলে,  
তোমারে পেরেছি বুঝিতে ।  
কে মোরে ফিরাবে অনাদরে,  
কে মোরে ডাকিবে কাছে,  
কাহার প্রেমের বেদনার মাঝে  
আমার মূল্য আছে  
এ নিরন্তর সংশয়ে আর  
পারি না কেবলি বুঝিতে,  
তোমারেই শুধু সত্য পেরেছি বুঝিতে ॥

---

## বাণীহার

ওগো মোর      নাহি যে বাণী  
আকাশে হৃদয় শুধু বিছাতে জানি ।  
আমি অমা বিভাবরী আলোকহারা  
মেলিয়া তারা  
চাহি নিঃশেষ পথপানে  
নিষ্ফল আশা নিয়ে প্রাণে ।  
বহুদূরে বাজে তব বাঁশি  
সকরণ সুর আসে ভাসি  
বিহ্বল বায়ে  
নিদ্রাসমুদ্র পারায়ে ।

## সানাই

তোমারি সুরের প্রতিধ্বনি  
দিই যে ফিরায়ে,  
সে কি তব স্বপ্নের তীরে  
ভাঁটার স্রোতের মতো  
লাগে ধীরে অতি ধীরে ধীরে।

---

## অনসূয়া

কাঁঠালের ভুতি পচা, আমানি, মাছের যত আঁশ,  
রান্নাঘরের পাঁশ,  
মরা বিড়ালেব দেহ, পেকো নর্দমায়—  
বীভৎস মাছির দল ঐকতান বাদন জমায়।  
শেষরাত্রে মাতাল বাসায়  
স্ত্রীকে মারে, গালি দেয় গদগদ ভাষায়,  
ঘুমভাঙা পাশের বাড়িতে  
পাড়াপ্রতিবেশী থাকে হুংকার ছাড়িতে।  
ভদ্রতার বোধ যায় চলে  
মনে হয় নরহত্যা পাপ নয় ব'লে।  
কুকুরটা সর্বঅঙ্গে ক্ষত  
বিছানায় শোয় এসে, আমি নিদ্রাগত।

## সানাই

নিজেরে জানান দেয় তীব্রকণ্ঠে আত্মশ্লাঘী সতী  
রণচণ্ডা চণ্ডী মূর্তিমতী ।  
মোটা সিঁছরের রেখা আঁকা,  
হাতে মোটা শাঁখা,—  
শাড়ি লালপেড়ে,  
খাটো খোঁপা-পিণ্ডটুকু ছেড়ে  
ঘোমটার প্রাস্ত ওঠে টাকের সীমায়,  
অস্থির সমস্ত পাড়া এ মেয়ের সতী-মহিমায় ।  
এ গলিতে বাস মোর, তবু আমি জন্ম-রোম্যান্টিক  
আমি সেই পথের পথিক  
যে পথ দেখায়ে চলে দক্ষিণে বাতাসে,  
পাখির ইশারা যায় যে পথের অলক্ষ্য আকাশে ।  
মৌমাছি যে পথ জানে—  
মাধবীর অদৃশ্য আহ্বানে ।  
এটা সত্য কিংবা সত্য ওটা  
মোর কাছে মিথ্যা সে তর্কটা ।  
আকাশকুসুম-কুঞ্জবনে,  
দিগন্তনে  
ভিত্তিহীন যে বাসা আমার  
সেখানেই পলাতকা আসা-যাওয়া করে বার-বার ।  
আজি এই চৈত্রের খেয়ালে  
মনেরে জড়াল ইন্দ্রজালে ।

## মানাই

দেশকাল

ভুলে গেল তাঁর বাঁধা তাল ।

নায়িকা আসিল নেমে আকাশ-প্রদীপে আলো পেয়ে ।

সেই মেয়ে

নহে বিংশ শতকিয়া

ছন্দোহারি কবিদের ব্যঙ্গ-হাসি-বিহসিত প্রিয়া ।

সে নয় ইকনমিক্‌স্-পরীক্ষাবাহিনী ।

আতপ্ত বসন্তে আজি নিঃশ্বসিত যাহার কাহিনী ।

অনসূয়া নাম তার, প্রাকৃত ভাবায়

কারে সে বিস্মৃত যুগে কাঁদায় হাসায়,

অশ্রুত হাসির ধ্বনি মিলায় সে কলকোলাহলে

শিপ্রাতটতলে ।

পিনক বঙ্কল-বন্ধে যৌবনের বন্দী দূত দৌহে

জাগে অঙ্গে উদ্ধত বিদ্রোহে ।

অযতনে এলায়িত রুম্ম কেশপাশ

বনপথে মেলে চলে মৃদুমন্দ গন্ধের আভাস ।

প্রিয়কে সে বলে “পিয়”

বাণী লোভনীয়,

এনে দেয় রোমাঞ্চ হরষ

কোমল সে ধ্বনির পরশ ।

সোহাগের নাম দেয় মাধবীরে

আলিঙ্গনে ঘিরে,

## সানাই

এ মাধুরী যে দেখে গোপনে  
ঈর্ষার বেদনা পায় মনে ।  
যখন নৃপতি ছিল উচ্ছৃঙ্খল উন্মত্তের মতো  
দয়াহীন ছলনায় রত  
আমি কবি অনাবিল সরল মাধুরী  
করিতেছিলাম চুরি  
এলা-বনচ্ছায়ে এক কোণে,  
মধুকর যেমন গোপনে  
ফুলমধু লয় হরি  
নিভৃত ভাণ্ডার ভরি ভরি  
মালতীর স্নিত সম্মতিতে ।  
ছিল সে গাঁথিতে  
নতশিরে পুষ্পহার  
সদ্য তোলা কুঁড়ি মল্লিকার ।  
বলেছিছু, আমি দেব ছন্দের গাঁথুনি  
কথা চুনি' চুনি' ।  
অয়ি মালবিকা  
অভিসার-যাত্রাপথে কখনো বহনি দীপশিখা ।  
অর্ধাবগুষ্ঠিত ছিলে কাব্যে শুধু ইঙ্গিত আড়ালে,  
নিঃশব্দে চরণ বাড়ালে  
হৃদয়প্রাঙ্গণে আজি অস্পষ্ট আলোকে,—  
বিস্মিত চাহনিখানি বিস্ফারিত কালো ছুটি চোখে,

## গানাই

বহু মৌন শতাব্দীর মাঝে দেখিলাম ;—

প্রিয় নাম

প্রথম শুনিলে বুঝি কবি কণ্ঠস্বরে

দূর যুগান্তরে।

বোধ হোলো তুলে ধরে ডালা

মোর হাতে দিলে তব আধফোটা মল্লিকার মালা।

সুকুমার অঙ্গুলির ভঙ্গীটুকু মনে ধ্যান ক'রে

ছবি আঁকিলাম বসে চৈত্রের গ্রহরে।

স্বপ্নের বাঁশিটি আজ ফেলে তব কোলে

আর বার যেতে হবে চ'লে

সেথা, যেথা বাস্তবের মিথ্যা বঞ্চনায়

দিন চলে যায়।

উদয়ন

২০ মার্চ, ১৯৪০

---

## শেষ অভিসার

আকাশে ঈশানকোণে মসীপুঞ্জ মেঘ।

আসন্ন ঝড়ের বেগ

স্তব্ধ রহে অরণ্যের ডালে ডালে

যেন সে বাছড় পালে পালে।

## সানাই

নিষ্কম্প পল্লবঘন মৌনরাশি  
শিকার প্রত্যাশী  
বাঘের মতন আছে থাবা পেতে,  
রক্তহীন আঁধারেতে ।  
ঝাঁকে ঝাঁক  
উড়িয়া চলেছে কাক  
আতঙ্ক বহন করি উদ্ভিগ্ন ডানার পরে ।  
যেন কোন্ ভেঙে-পড়া লোকান্তরে  
ছিন্ন ছিন্ন রাত্রিখণ্ড চলিয়াছে উড়ে  
উচ্ছ্বল ব্যর্থতার শূন্যতল জুড়ে ।

ছুরোগের ভূমিকায় তুমি আজ কোথা হতে এলে  
এলোচূলে অভীতের বনগন্ধ মেলে ।  
জন্মের আরম্ভ প্রাপ্তে আর একদিন  
এসেছিলে অগ্নান নবীন  
বসন্তের প্রথম দূতিকা,  
এনেছিলে আষাঢ়ের প্রথম যুথিকা  
অনির্বচনীয় তুমি ।  
মম'তলে উঠিলে কুসুমি  
অসীম বিস্ময় মাঝে, নাহি জানি এলে কোথা হতে  
অদৃশ্য আলোক হতে দৃষ্টির আলোতে ।  
তেমনি রহস্য পথে, হে অভিসারিকা,  
আজ আসিয়াছ তুমি, ক্ষণদীপ্ত বিছ্যতের শিখা

সানাই

কী ইঙ্গিত মেলিতেছে মুখে তব,  
কী তাহার ভাষা অভিনব ।

আসিছ যে পথ বেয়ে সেদিনের চেনা পথ এ কী ।  
এ যে দেখি  
কোথাও বা ক্ষীণ তার রেখা,  
কোথাও চিহ্নের সূত্র লেশমাত্র নাহি যায় দেখা ।  
ডালিতে এনেছ ফুল স্মৃত বিন্মৃত,  
কিছু বা অপরিচিত ।  
হে দূতী এনেছ আজ গন্ধে তব যে ঋতুর বাণী  
নাম তার নাহি জানি ।  
মৃত্যু অঙ্ককারময়  
পরিব্যাপ্ত হয়ে আছে আসন্ন তাহার পরিচয় ।  
তারি বরমাল্যখানি পরাইয়া দাও মোর গলে  
স্তিমিত নক্ষত্র এই নীরবের সভাঙ্গনতলে ;  
এই তব শেষ অভিসারে  
ধরণীর পারে  
মিলন ঘটায় য়াও অজানার সাথে  
অস্তহীন রাতে ॥

মংগু  
১০ বৈশাখ, ১৩৪৭

## নামকরণ

বাদল বেলায় গৃহ কোণে  
রেশমে পশমে জামা বোনে,  
নীরবে আমার লেখা শোনে,  
তাই সে আমার শোনা-মণি,  
প্রচলিত ডাক নয় এ যে  
দরদীর মুখে ওঠে বেজে,  
পণ্ডিতে দেয় নাই মেজে  
প্রাণের ভাষাই এব খনি ।  
সেও জানে আর জানি আমি  
এ মোব নেহাত পাগলামি,  
ডাক শুনে কাজ যায় থামি'  
কঙ্কণ ওঠে কনকনি' ।  
সে হাসে আমিও তাই হাসি  
জবাবে ঘটে না কোনো বাধা,  
অভিধান-বর্জিত ব'লে  
মানে আমাদের কাছে সাদা ।  
কেহ নাই জানে কোন্ খনে  
পশমের শিল্পের সাথে

সানাই

সুকুমার হাতের নাচনে

নূতন নামের ধ্বনি গাঁথে

শোণামণি, ওগো সুনয়নী ॥

কালিম্পং

গৌরীপুর ভবন

২৪ মে, ১৯৪০

---

## বিমুখতা

মন যে তাহার হঠাৎপ্লাবন

নদীর প্রায়

অভাবিত পথে সহসা কী টানে

বাঁকিয়া যায়,

সে তার সহজ গতি,

সেই বিমুখতা ভরা ফসলের

যতই করুক ক্ষতি ।

বাঁধাপথে তা'রে বাঁধিয়া রাখিবে যদি

বর্ষা নামিলে খরপ্রবাহিণী নদী

ফিরে ফিরে তা'র ভাঙিয়া ফেলিবে কূল

ভাঙিবে তোমার ভুল ।

## সানাই

নয় সে খেলার পুতুল, নয় সে  
আদরের পোষা প্রাণী,  
মনে রেখো তাহা জানি' ।  
মত্ত প্রবাহ বেগে  
হৃদ্যম তার ফেনিল হাস্ত  
কখন উঠিবে জেগে ।  
তোমার প্রাণের পণ্য আহরি  
ভাসাইয়া দিলে ভঙ্গুর তরী,  
হঠাৎ কখন পাষাণে আছাড়ি  
করিবে সে পরিহাস,  
হেলায় খেলায় ঘটাবে সর্বনাশ ।  
এ খেলারে যদি খেলা বলি মানো,  
হাসিতে হাস্ত মিলাইতে জানো  
তাহলে র'বে না খেদ ।  
ঝরনার পথে উজানের খেয়া  
সে যে মরণের জেদ ।  
স্বাধীন বলো যে ওরে  
নিতাস্ত ভুল ক'রে ।  
দিক সীমানার বাঁধন টুটিয়া  
ঘুমের ঘোরেতে চমকি' উঠিয়া  
যে উচ্চা পড়ে থ'সে  
কোন্ ভাগ্যের দোষে

## সানাই

সেই কি স্বাধীন, তেমনি স্বাধীন এও,

এরে ক্ষমা ক'রে যেয়ো ।

বস্ত্রারে নিয়ে খেলা যদি সাধ  
লাভের হিসাব দিয়ে তবে বাদ,  
গিরিনদী সাথে বাঁধা পড়িয়ো না  
পণ্যের ব্যবহারে ।

মূল্য যাহার আছে একটুও  
সাবধান করি ঘরে তারে থুয়ো,  
খাটাতে যেয়ো না মাতাল চলার  
চলতি এ কারবারে ।

কাটিয়ো সাঁতার যদি জানা থাকে,  
তলিয়ে যেয়ো না আওড়ের পাকে,  
নিজেরে ভাসায়ে রাখিতে না জানো

ভরসা ডাঙার পারে ;

যতই নীরস হোক না সে তবু  
নিরাপদ জেনো তারে ।

“সে আমারি” ব'লে বৃথা অহমিকা  
ভালে আঁকি দেয় ব্যক্তের টিকা ।

আলগা লীলায় নাই দেওয়া পাওয়া

দূর থেকে শুধু আসা আর যাওয়া

মানব-মনের রহস্য কিছু শিখা ।

## আত্মছলনা

দোষী করিব না তোমারে,  
ব্যথিত মনের বিকারে,  
নিজেরেই আমি নিজে নিজে করি ছলনা ।  
মনেরে বুঝাই বুঝি ভালোবাসো,  
আড়ালে আড়ালে তাই তুমি হাসো,  
স্থির জানো এ যে অবুঝের খেলা  
এ শুধু মোহের রচনা ।

সঙ্ক্যামেষের রাগে  
অকারণে যত ভেসে-চলে-যাওয়া  
অপরূপ ছবি জাগে ।  
সেই মতো ভাসে মায়ার আভাসে  
রঙিন বাষ্প মনের আকাশে,  
উড়াইয়া দেয় ছিন্ন লিপিতে  
পিরহ মিলন ভাবনা ॥

সানাই

### অসময়

বৈকাল বেলা ফসল-ফুরানো  
শূন্য ক্ষেত্রে  
বৈশাখে যবে কৃপণ ধরণী  
রয়েছে তেতে,  
ছেড়ে তার বন জানিনে কখন  
কী ভুল ভুলি  
শুষ্ক ধুলির ধূসর দৈত্যে  
এসেছিল বুলবুলি ॥

সকাল বেলার স্মৃতিখানি মনে  
বহিয়া বুঝি  
তরুণ দিনের ভরা আতিথ্য  
বেড়ালো খুঁজি ।  
অরণ্যে শ্যামলে উজ্জ্বল সেই  
পূর্ণতাবে  
মিথ্যা ভাবিয়া ফিরে যাবে সে কি  
রাতের অন্ধকারে ॥

তবুও তো গান করে গেল দান  
কিছু না পেয়ে ।

## মানাই

সংশয় মাঝে কী শুনায়ে গেল  
কাহারে চেয়ে ।  
যাহা গেছে সরে কোনো রূপ ধ'রে  
রয়েছে বাকি  
এই সংবাদ বুঝি মনে মনে  
জানিতে পেরেছে পাখি ।

প্রভাত বেলার যে ঐশ্বর্য  
রাখেনি কণা  
এসেছিল সে যে,—হারায় না কভু  
সে সাস্থনা ।  
সত্য যা পাই ক্ষণেকের তরে  
ক্ষণিক নহে ।  
সকালের পাখি বিকালের গানে  
এ আনন্দই বহে ।

---

## অপঘাত

সূর্যাস্তের পথ হতে বিকালের রৌদ্র এল নেমে  
বাতাস ঝিমিয়ে গেছে থেমে  
বিচালি-বোঝাই গাড়ি চলে দূর নদয়ার হাটে  
জনশৃঙ্খ মাঠে ।

## মানাই

পিছে পিছে  
দড়ি-বাঁধা বাছুর চলিছে ।  
রাজবংশী পাড়ার কিনারে  
পুকুরের ধারে  
বনমালী পণ্ডিতের বড়ো ছেলে  
সারাক্ষণ বসে আছে ছিপ ফেলে ।  
মাথার উপর দিয়ে গেল ডেকে  
শুকনো নদীর চর থেকে  
কাজলা বিলের পানে  
বুনো হাঁস গুলি সন্ধানে ।  
কেটে নেওয়া ইক্ষুক্ষেত, তারি ধারে ধারে  
ছুই বন্ধু চলে ধীরে শাস্ত পদচায়ে  
বৃষ্টি ধোওয়া বনের নিশ্বাসে,  
ভিজে ঘাসে ঘাসে ।  
এসেছে ছুটিতে,—  
হঠাৎ গাঁয়েতে এসে সাক্ষাৎ ছুটিতে ।  
নববিবাহিত একজনা,  
শেষ হোতে নাহি চায় ভরা আনন্দের আলোচনা ।  
আশে পাশে ভাঁটি ফুল ফুটিয়া রয়েছে দলে দলে  
বাঁকা চোরা গলির জঙ্গলে,  
মৃৎগন্ধে দেয় আনি  
চৈত্বের ছড়ানো নেশাখানি ।

মানাই

জারুলের শাখায় অদূরে  
কোকিল ভাঙিছে গলা একঘেয়ে প্রলাপের সুরে ।

টেলিগ্রাম এল সেই ক্ষণে  
ফিন্‌ল্যান্ড চূর্ণ হোলো সোভিয়েট বোমার বর্ষণে ॥

১ জ্যৈষ্ঠ, ১৩৪৭

---

## মানসী

আজি আষাঢ়ের মেঘলা আকাশে  
মনখানা উড়ে পক্ষী  
বাদলা হাওয়ায় দিকে দিকে ধায়  
অজানার পানে লক্ষ্য ।  
যাহা খুশি বলি স্বগত কাকলী,  
লিখিবারে চাহি পত্র,  
গোপন মনের শিল্পসূত্রে  
বুনানো ছুচারি ছত্র ।  
সঙ্গীবিহীন নিরালায় করি  
জানা অজানার সন্ধি,

## সানাই

গরঠিকানিয়া বন্ধু কে আছ  
করিব বাণীর বন্দী ।  
না জানি তোমার নাম ধাম আমি  
না জানি তোমার তথ্য ।  
কিবা আসে যায় যে হও সে হও  
মিথ্যা অথবা সত্য ।  
নিভুতে তোমারি সাথে আনাগোনা  
হে মোর অচিন মিত্র,  
প্রলাপী মনেতে আঁকা পড়ে তব  
কত অদ্ভুত চিত্র ।  
যে নেয়নি মেনে মর্ত্য শরীরে  
বাঁধন পাঞ্চভৌত্যে  
তার সাথে মন করেছি বদল  
স্বপ্ন মায়ায় দৌত্যে ।  
ঘুমের ঘোরেতে পেয়েছি তাহার  
রুম্ব চুলের গন্ধ ।  
আধেক রাত্রে শুনি যেন তার  
দ্বার খোলা দ্বার বন্ধ ।  
নৌপবন হতে সৌরভে আনে  
ভাষাবিহীনার ভাষ্য ।  
জোনাকি আঁধারে ছড়াছড়ি করে  
মণিহার-ছেঁড়া হাস্য ।

## সানাই

সঘন নিশীথে গর্জিছে দেয়া  
রিমিঝিমি বারি বর্ষে  
মনে মনে ভাবি কোন্ পালঙ্কে  
কে নিদ্রা দেয় হর্ষে ।  
গিরির শিখরে ডাকিছে ময়ূর  
কবি কাব্যের রঙ্গে,  
স্বপ্নপুলকে কে জাগে চমকি  
বিগলিত চীর অঙ্গে ।  
বাস্তব মোরে বঞ্চনা করে  
পালায় চকিত নৃত্যে  
তারি ছায়া যবে রূপ ধরি আসে  
বাঁধা পড়ি যায় চিন্তে ।  
তারার আলোকে ভরে সেই সাকী  
মদিরোচ্ছল পাত্র,  
নিবিড় রাতের মুগ্ধ মিলনে  
নাই বিচ্ছেদ মাত্র ।  
ওগো মায়াময়ী আজি বরষায়  
জাগালে আমার ছন্দ  
যাহা খুশি সুরে বাজিছে সেতার  
নাহি মানে কোনো বন্ধ ।

২২ মে, ১৯৪০

সানাই

## অসম্ভব ছবি

আলোকের আভা তার অলকের চুলে,  
বুকের কাছেতে হাঁটু তুলে  
বসে আছে ঠেস দিয়ে পিপুল গুঁড়িতে,  
পাশেই পাহাড়ে নদী মুড়িতে মুড়িতে  
ফুলে উঠে চলে যায় বেগে ।  
দেবদারু ছায়াতলে উঠে জেগে  
কলস্বর,  
কান পেতে শোনে তাই প্রাচীন পাথর,—  
অরণ্যের কোল  
যেন মুখরিয়া তোলে শিশুর কল্লোল ।  
ইংরেজ কবির লেখা একমনে পড়িছে তরুণী  
গুন গুন রব তার পিছনে দাঁড়ায়ে আমি গুনি ;  
মৃদু বেদনায় ভাবি যে কবির বাণী  
পড়িছে বিরাম নাহি মানি  
আমি কেন সে কবি না হই ।  
এতদিন নানাভাবে কাব্যে যাহা কই

## সানাই

আজি এ গিরির মতো কেন সে নির্বাক ।  
অদূরে মাদার শাখে ঘুঘু দেয় ডাক ।  
আমার মমের ছন্দ পাখির ভাষায়  
অফুরান নৈরাশায়  
উছলিতে থাকে একতানে  
আন-মননীর কানে কানে ।  
আতপ্ত হতেছে দিন, শিশির গুণ্ডায়ে গেছে ঘাসে,  
অজানা ফুলের গুচ্ছ উচ্চ শাখে ছলিছে বাতাসে ।  
ঢালুতটে তরুচ্ছায়াতলে  
ঝিলিমিলি শিহরন ঝরনার জলে ।  
চূর্ণ কেশে নিত্য চঞ্চলতা,  
ছূৰ্বাধ্য পড়িছে চোখে, অধ্যয়নরতা  
সরায়ে দিতেছে বারংবার  
বাহুক্ষেপে । ধৈর্য মোর রহিল না আর  
চকিতে সম্মুখে আসি শুধালাম  
তুমি কি শোনোনি মোর নাম ।  
মুখে তার সে কি অসন্তোষ ?  
সে কি লজ্জা, সে কি রোষ,  
সে কি সমুদ্রত অহংকার ?  
উত্তর শোনার  
অপেক্ষা না করি আমি দ্রুত গেছু চলি ।  
ঘুঘুর কাকলী

## মানাই

যন পল্লবের মাঝে আশ্বিনের রৌদ্র ও ছায়া  
ব্যথিত করিছে চির নিরন্তর ব্যর্থতার ভারে ।

মিথ্যা, মিথ্যা এ স্বপন, ঘরে ফিরে বসিয়া নির্জনে  
শৈল অরণ্যের সেই ছবিখানি আনি মনে মনে,  
অসম্ভব রচনায়  
পূরণ করিহু তারে ঘটেনি যা সেই কল্পনায় ।

যদি সত্য হোত, যদি বলিতাম কিছু,  
শুনিত সে মাথা করি নিচু,  
কিংবা যদি স্মৃতিত্র চাহনি  
বিহ্ব্যৎবাহনী  
কটাক্ষে হানিত মুখে,  
রক্ত মোর আলোড়িয়া বুকে,  
কিংবা যদি চলে যেত অঞ্চল সংবরি  
শুষ্কপত্রপরিকীর্ণ বনপথ সচকিত করি,  
আমি রহিতাম চেয়ে  
হেসে উঠিতাম গেয়ে  
“চলে গেলে হে রূপসী মুখখানি ঢেকে  
বঞ্চিত করোনি মোরে পিছনে গিয়েছ কিছু রেখে ।”

মানাই

হায়রে, হয়নি কিছু বলা  
হয়নি ছায়ার পথে ছায়া সম চলা,  
হয়তো সে শিলাতল 'পরে  
এখনো পড়িছে কাব্য গুনগুন স্বরে ।

শান্তিনিকেতন  
১৬ জুলাই, ১৯৪০

---

### অসম্ভব

পূর্ণ হয়েছে বিচ্ছেদ, যবে ভাবিনু মনে,  
একা একা কোথা চলিতে ছিলাম নিষ্কারণে ।  
শ্রাবণের মেঘ কালো হয়ে নামে বনের শিরে,  
খর বিদ্যুৎ রাতের বক্ষ দিতেছে চিরে,  
দূর হতে শুনি বারুণী নদীর তরল রব,  
মন শুধু বলে অসম্ভব এ অসম্ভব ।

এমনি রাত্রে কতবার মোর বাহুতে মাথা  
গুনেছিল সে যে কবির ছন্দে কাজরী গাথা ।

## সানাই

রিমিঝিমি ঘন বর্ষণে বন রোমাঞ্চিত,  
দেহে আর মনে এক হয়ে গেছে যে বাজিত,  
এল সেই রাতি বহি আবেগের সে বৈভব  
মন শুধু বলে অসম্ভব এ অসম্ভব ।

দূরে চলে যাই নিবিড় রাতের অন্ধকারে  
আকাশের সুর বাজিছে শিরায় বৃষ্টিধারে ;  
যুথীন হতে বাতাসেতে আসে সুধার স্বাদ,  
বেগী বাঁধনের মালায় পেতেম যে সংবাদ ।  
এই তো জেগেছে নব মালতীর সে সৌরভ,  
মন শুধু বলে অসম্ভব এ অসম্ভব ।

ভাবনার ভুলে কোথা চলে যাই অশ্রুমনে  
পথ-সংকেত কত জানায়েছে যে বাতায়নে ।  
শুনিতে পেলেম সেতারে বাজিছে সুরের দান  
অশ্রুজলের আভাসে জড়িত আমারি গান ।  
কবিরে ত্যজিয়া রেখেছ কবির এ গৌরব,  
মন শুধু বলে অসম্ভব এ অসম্ভব ।

শান্তিনিকেতন

১৬ জুলাই, ১৯৪০

## গানের মন্ত্র

মাঝে মাঝে আসি যে তোমাবে  
গান শিখাবারে  
মনে তব কৌতুক লাগে,  
অধরের আগে  
দেখা দেয় একটুকু হাসির কাঁপন।  
যে কথাটি আমার আপন  
এই ছলে হয় সে তোমারি।  
তারে তারে সুর বাঁধা হয়ে যায় তারি  
অন্তরে অন্তরে  
কখন তোমার অগোচরে।  
চাবি করা চুরি,  
প্রাণের গোপন দ্বারে প্রবেশের সহজ চাতুরী,  
সুর দিয়ে পথ বাঁধা  
যে ছুর্গমে কথা পেত পদে পদে পাষাণের বাধা,  
গানের মন্ত্রেতে দীক্ষা যার  
এই তো তাহার অধিকার।  
সেই জানে দেবতার অলঙ্কিত পথ  
শূন্যে শূন্যে যেথা চলে মহেশ্বরের শব্দভেদী রথ।

## সানাই

ঘন বর্ষণের পিছে যেমন সে বিছ্যাতের খেলা  
বিমুখ নিশীথ বেলা,  
অমোঘ বিজয়মন্ত্র হানে  
দূর দিগন্তের পানে,  
অঁধারের সংকোচ বিচ্ছিন্ন হয়ে পড়ে  
মেঘমল্লারের ঝড়ে ॥

শান্তিনিকেতন

১৮ জুলাই, ১৯৪০

---

## স্বপ্ন

জানি আমি ছোটো আমার ঠাঁই  
তাহার বেশি কিছুই চাহি নাই ।  
দিয়ে আমায় সবার চেয়ে অল্প তোমার দান,  
নিজের হাতে দাও তুলে তো  
রইবে অফুরান ।

আমি তো নই কাঙাল পরদেশী,  
পথে পথে খোঁজ করে যে  
যা পায় তারো বেশি ।

## সানাই

সকলটুকুই চায় সে পেতে হাতে,  
পূরিয়ে নিতে পারে না সে  
আপন দানের সাথে ।

তুমি শুনে বললে আমায় হেসে,  
বললে ভালোবেসে,  
“আশ মিটিবে এইটুকুতেই তবে ?”  
আমি বলি, “তার বেশি কী হবে ।  
যে দানে ভার থাকে  
বস্তু দিয়ে পথ সে কেবল  
আটক করে রাখে ।

যে দান কেবল বাহুর পরশ তব  
তা’রে আমি বীণার মতো বক্ষে তুলে লব ।  
সুরে সুরে উঠবে বেজে,  
যেটুকু সে তাহার চেয়ে  
অনেক বেশি সে যে ।

লোভীর মতো তোমার দ্বারে  
যাহার আসা যাওয়া  
তাহার চাওয়া পাওয়া  
তোমায় নিত্য খর্ব করে আনে  
আপন ক্ষুধার পানে ।

## সানাই

ভালোবাসার বর্বরতা  
মলিন করে তোমারি সম্মান  
পৃথুল তার বিপুল পরিমাণ ।  
তাই তো বলি প্রিয়ে  
হাসি মুখে বিদায় কোরো স্বল্প কিছু দিয়ে ;  
সন্ধ্যা যেমন সন্ধ্যাতারাটিরে  
আনিয়া দেয় ধীরে  
সূর্য ডোবার শেষ সোপানের ভিত্তে  
সলজ্জ তার গোপন থালিটিতে ।

শান্তিনিকেতন

১৭ জুলাই, ১৯৪০

---

## অবসান

জানি দিন অবসান হবে,  
জানি তবু কিছু বাকি র'বে ।  
রজনীতে ঘুমহারা পাখি  
এক সুরে গাহিবে একাকী,

সানাই

যে শুনিবে, যে রহিবে জাগি  
সে জানিবে তারি নৌড়হারা  
স্বপন খুঁজিছে সেই তারা  
যেথা প্রাণ হয়েছে বিবাগী ।  
কিছু পরে করে যাবে চুপ  
ছায়াঘন স্বপনের রূপ ।  
ঝরে যাবে আকাশ কুসুম  
তখন কুজনহীন ঘুম  
এক হবে রাত্রির সাথে ।  
যে গান স্বপনে নিল বাসা  
তার ক্ষণ গুঞ্জন ভাষা  
শেষ হবে সব শেষ রাতে ॥

শান্তিনিকেতন

১৯ জুলাই, ১৯৪০

